


**ILLUSTRISSIMO,
PIENTISSIMO,
AUGUSTISSIMOQUE
PRINCIPI ...
AUGUSTO DUCI...**

Zacharias Schilter, Johannes
Albinus





ILLVSTRISSIMO,
PIENTISSIMO, AVGVSTISSIMOQVE
PRINCIPI AC DOMINO, DOMINO

AVGVSTO,

DVCI SAXONIÆ, SACRI ROMANI
Imperij Archimarschallo, & creandis Imperatoribus Ro-
manis Septemuio, Landgrauio Thuringiæ, Marchioni
Misniæ, & Burggrauio Magdeburgensi, die XI. Februa-
rij piè placideq; in CHRISTO defuncto, Patri
patriæ, & Domino suo, dum vixit,
clementissimo,

DECLARANDAE PIAE GRATIS-
SIMAEQVE VIRTVTVM HEROICARVM, ME-
ritorumq; sanctorum illius memoriæ causa, non sine luctus
acerbi & desiderij ardentis testificatione publica

PARENTATIO

Facta ab inclita Academia Lipsiensi, in celebri-
bus conuentibus, in æde Paulina, eius rei nomine in-
dictis, & quidem orationibus duabus,

QVARVM ALTERA HABITA FVIT
à ZACHARIA SCHILTERO, S. Theologiæ D. & Professore,
eiusdemq; Academiæ Procancellario, die eiusdem mensis Febr. xx.
actioni huic religiosæ peculiariter consecrato,

ALTERA VERÒ à M. IOHANNE ALBINO, POETICES
ibidem Professore, die Martij 111. in solenni eiusdem Academiæ
congregatione, circa æquinoctium vernum vsitata.

*Adiuncta publicum ad luctum cohortatione, additisq;
versibus quibusdam Epitaphijs.*

Anno à nato CHRISTO supra sesquimillesimum
LXXXVI.



ORATIO D. ZACHARIAE
SCHILTERI, PRO CAN-
CELLARIO.

SI CVIVS QVAM VN-
quam heroici Principis funus,
Magnifice domine Rector, illu-
strissimi generosissimiq; Princi-
pes, Reuerendi, nobilissimi, am-
plissimi, clarissimi, prudentissi-
mi, spectatissimi, præstantissimiq;
cuiuscunq; dignitatis & ordinis viri, vosq; generis
nobilitate clari, & pietatis optimarumq; artium
studiosi iuvenes, si cuiusquam, inquam, heroici Prin-
cipis funus magni doloris & luctus nobis causa fuit
vnquam, si acerbis lachrymis à nobis condecora-
tum, certe illustrissimi Principis Septemviri A-
v-
GVSTI, &c. Domini nostri, dum in humanis esset,
clementissimi, obitus acerbissimus luctuosissimusq;
nobis, cum lachrymarum vi maxima, tum cæteris
inæroris symbolis & testimonijs omnibus coho-
nestandus est, non patriæ modo & Ecclesiæ, sed
vniuersæ Germaniæ, imò toti imperio grauis & fu-
nestus. Etenim propter horrendam ingratitudinem
& profanitatem nostram, exardescente aduersus nos
iustissima ira Dei, amisit misera patria nostra Paren-
tem suum, principem omni decore præclarissimarum
animi dotium à Spiritu sancto cumulatam, re-
rum verò gestarum & meritorum in Rempublicam
Christianam amplitudine admirabili, omnium lau-
de, prædicatione, literis, monumentisq; decoranda,
cum summis heroibus Christianis, & quidem cum

antiquissimis quasi certantem, amisit vera religio assertorem constantem, Ecclesia ἐφάνισθη καὶ ὑπερᾶσθη in terris fidelem, potentem & hostibus formidabilem, imperium Romanum fulcrum per quam firmum & robustum, Germania præsidium, murum & propugnaculum validissimum, deniq; orbis Christianus decus & ornamentum, supra conditionem humanam diuinitus propemodum elatum atq; euectum, & ad omnem posteritatem celebre futurum.

Et quidem quis vnquam maiore hominum estimatione vixit? Quis ad res magnas gerendas natura, virtute, pietate, Dei gratia & auxilio, magis vnquam instructus & quasi armatus fuit in his regionibus? O nos miseros, & plus, quam dici aut cogitari possit, infelices, tanto heroe orbatos, verè Augusto, imo Augustissimo, quo nihil augustius, non dixerim, nostra tantum, sed aliquot prisca etiam secula videntur. O iacturam patriæ, Ecclesiæ, Germaniæ, & toti imperio vllis vix vnquam seculis reparandam. O miserabilem patriæ mortem, ô acerbam Germaniæ cladem, ô lugendam imperij desertionem, ô tristem Ecclesiæ orbitatem. Cui te conferam, virgo filia Sion? cui te comparabo Germaniæ? cui te assimilabo Romanum imperium? Magna est, velut mare terram inundans, calamitas vestra, quis vos sanaret? defecit gaudium cordis vestri, versus est in luctum chorus vester, cecidit corona capitis vestri, vix vobis quia peccastis, vt Ieremiæ verbis vtamur. Quibus de, quoties animum subit cogitatio, quis adeo inhumanus? quis adeo ferreus? quis adeo saxeus? Principes illustrissimi, Patres amplissimi, qui non
totus

totus in lacrymas quasi resoluatur ? Dicit autem non potest, quantopere crescat dolor, & augeatur consternatio animorū, cogitatione suscepta de maxima rerum omnium ad interitum inclinantium hoc tristi seculo perturbatione, tempestate horrenda, & discrimine extremo, in quod obitus ille admodum intempestivus incidit, quo certissimum est, collatione facta, ab ipso primo Imperij Electoratu, vix vllum vnquam fuisse seculum certioris *παρακλησίας* vniuersæ non saltem patriæ, sed Germaniæ, & in hac inprimis Ecclesiæ impendentis prænuncium.

Accedit ad hæc, publici mali quasi facies quædam & forma externa, plena horroris ingentis, vultus nimirum cuiusq; vestrum deiectus & mœrore turbatus, habitus lugubris, genæ pijs lachrymis madentes, manus desperantium ferè modo complicatæ, oculi desiderio Electoris in cœlum sublatis, versatur ob oculos meos luctus ac mœroris acerbissimæ index, habitus totius templi ater & pullatus, ipsi deniq; parietes mortem Augusti deplorare gestientes, personant aures meæ planctu, eiulatu, singulibus, gemitibus & suspirijs, imo, exulceratoq; de pectore deductis : videor mihi videre illustrissimum Electorem Christianum, ægritudine animi decumbentem, sedem Electoralem luctu prostratam, veluti cœlo tactam, Curiam illustrissimam mutam & obscuram, mœrore languentes illustrissimas illustresq; Aulas passim vniuersas, imò perturbatâ consternatamq; Aulâ sacræ Maiestatis imperatoriæ, ordinem equestrem, generosa nobilitate præstantem, totum in luctum immersum & dolore velut senio confectum, municipia passim omnia, colonias, ca-

cella & vicos, deniq; familias honestas omnes luctu
quales. Audire mihi videor querelas & lamen-
tationes maximè miserabiles totius Germaniæ et im-
perij Romani, inprimis Ecclesiæ, totius illustrissimæ
familix Electoris, maximè inclitæ Viduæ mœstissi-
mæ, imò generosissimæ domus Saxonicae vniuersæ,
nà cum celebribus Academijs viduitatem, orbi-
tatem & desolationem suam dolentissimè deplo-
rantium.

Quæ etsi omnia sentio, illustrissimi Principes,
viri amplissimi & ornatissimi, quàm duram & diffi-
cilem mihi reddant per se arduam parentandi iu-
taq; persoluendi celeberrimæ, sacratissimæ memoriæ,
Electori prouinciam, grata nimirum prædicatione
honorum illius, meritorumq; admirabilium, perpe-
tuæq; memoria dignissimorū, vnà cum remediorum
injustitiæ acerbitatem vtcunq; minuentium, in me-
moriæ reuocatione, cum par virtutibus immorta-
libus rerumq; gestarum magnitudini & splendori,
dicendi facultas, in tanta præsertim temporis an-
gustia, nequaquam mihi sit parata, & qui alijs lenire
dolorem iussus sum, ipse tam tristi casu, tamq̃ue lu-
gubri spectaculo ita perturber, animoq; angar, vt ne-
que mens, neque lingua satis officio, huiusq; loci
celebritati facere possit: Quia tamen non latere vos
certò scio, eandem prouinciam autoritate publica
mihi demandatam suscepisse me, non quidem pro
dignitate obeundi eandem fiducia, sed obsequendi
necessitate & pudore recusandi, coniuncto, cum de-
bito subiectionis ac reuerentiæ erga illustrissimam
Aulam, ac pietatis erga beatos manes Patris patriæ
studium: rursus bona me oneris parte leuatum sen-
tio,

tio, meq; spe indubitata erigo & sustento, licet non perfectionem, non expressam imaginem, non exornationem, tamen admirationem & delineationem, vel adumbrationem qualemcumq; saltem rerum maximarum, præconioq; dignissimarum, pro temporis breuitate informatam, vnâ cum subiectionibus breuissimis consolationum præcipuarum vos, pro illustrissima clementia, beneuolentia & fauore erga me singulari, æqui boniq; consulturos, quod vt faciatis, à Magnificèntia & illustrissima Celsitudine vestra, humilima animi subiectione, à cæteris vniuersis & singulis, qua par est reuerentia & studio peto atque contendo.

Sed quò me vertam? quid primum vel dicam, vel præteriero? Si secundum laudandi præcepta, de natiuitate A V G V S T I, quæ felici pacatæ gubernationis omine, in annum, turbas rusticorum compositas proximè securum, x x v r videlicet, diem Iulij vltimum incidit, Si de eiusdem indole plane heroica & diuina, si de educatione & adulescentia principe dignissima, si de parentibus, principe Henrico patre, duce Saxonix, pacis belliq; laudibus clarissimo, matre vero Catharina, ex illustri familia ducum Megapolensium nata, si de auo Alberto, καὶ ἐξ ὧν animoso dicto, si de proauo Friderico Secundo, Electore, attributo placido seu pacifico, si de abauo Friderico Bellicoso, primo ob res præclare gestas ex Marchionibus Misnensibus, ab imperatore Sigismundo augusta dignitate Electoratus Saxonix ornato, huius Academiae fundatore celeberrimo, si de fratre Mauricio, heroe generosissimo, & nunquam satis laudato, at quantis prin-

tis principibus, præsertim Electoribus ? si de ipsa dignitate Electorali, regia maiestate nihilo inferiore, vnanimi totius imperij consensu in ΑΥΓΥΣΤΥΜ translata, si de vtraque coniuge, vna ΑΝΝΑ, ex serenissima familia regum Daniæ, cui ante paucos menses ex hoc ipso loco parentari meministis : altera Agnete Heduuige, ex veteri maximeq; illustri Principum Ascaniæ stirpe, patre illustrissimo principe ac domino, Domino Ioachimo Ernesto, &c. oriunda : si de liberorum ευταδεύσια & felicitate : si de illustrium generorum, nurus & familiarum inclitarum affinitatis illustrissimæ vinculo copulatarum splendore & excelssitate, deniq; si ex omnibus tribus, tanquam riuis bonorum, animi scilicet, corporis, καὶ τῶν ἐκτὸς, ex sacro illo augustoq; omnium bonorum fonte Deo, in illustrissimum Electorem deriuatis, pauca saltem commemorando velut delibarem : Quantum, Deum immortalem, orationis flumen inde esset quasi erupturum, temporis præscriptum, non sine magno tædio fastidioq; vestro, longissimè excursurum. Omissa igitur in præsentia tam longè lateq; secundum præcepta artium parente laudum amplitudine πανηγυρικῇ, tædij nimirum minuendi causa, quemadmodum qui in amænis pratis aut hortis flores legunt, pulcherrimos quosq; decerpunt, cæteris præteritis, & apiculæ non omnibus flosculis sine discrimine insident, neque quibus insident, eos totos auferunt, sed fragrantissimis quibusq; saltem, ex iisdem optima quæque exuentes, reliquo valere iussio : ita angusto temporis spacio exclusus, ne vltra præstitutum tempus nostra excurret oratio, infinito summorum Diui

Augusti

Augusti ornamentorum, non tantum heroico principe, sed rege etiam & imperatore dignissimorum memorabili cumulo, certo consilio delectam, insignem saltem pietatem, excellentem prudentiam egregiam iusticiam, clementiam temperatam, illustrem animi excelsitatem in periculis, cum pacis & tranquillitatis publicæ studio, curâq; salutis communis, plusquam paterna coniunctam, deniq; in pauperes beneficentiam, tanquam summa proprietarum & peculiarium nostri Electoris laudum capita breuiter attingam, summa saltem eorum fastigia oratione persecuturus.

Eminet autem non aliter atque in horto ver-
nante, inter flosculos colore odoreq; grato alijs præstantes, in vita Diui Augusti virtutum ornamentis & decore quàm maximè referta & conspicua, pietas, initium veræ sapientiæ, secundum sapientem Hebræum, & omnis felicitatis humanæ fertilis quasi seges quædam & seminarium, declarata, partim religioso assensu verbi diuini, in quo constanter acquieuit, reuerenter se ei subiiciendo, eoq; velut notma omnia sua consilia & actiones gubernando, in primis ex hoc extructam Confessionem Augustanam, Carolo V Imperatori exhibitam, summam scilicet & nucleum totius doctrinæ cœlestis, vero iudicio, firmoq; assensu amplectendo, partim amore ardenti, cultuque pio reuerendi ministerij, quem præter alia innumerabilia beneficia in hoc collata, quotidiana publicorum conuentuum sacrorum frequentatione, crebroq; usu sacræ *scripturæ* testatum fecit, & coniunctione cum his precum ad Deum pro se, pro tota Ecclesia, pro Pa-

ia, pro Germania, imò totius sacri Imperij Roma-
ni salute ardentissimarum.

Luxit eadem quoque pietas in statis & quasi
Canonicis horis, astrictis domesticis, cum suis reli-
giosæ inuocationis attentâq; lectionis, cum libro-
rum sacrorum, maximè Psalmorum, tum piarum
explicationum exercitijs, inprimis electi organi
D. reuerendi Patris Lutheri, cuius non modo
monumenta euoluta illi fuerunt omnia, inprimis
sacrorum Bibliorum, luculenta non tam translatio
licenda, quàm interpretatio seu explicatio Germa-
nica, graui & pietatis insignis pleno iudicio, non il-
lustrissimæ modo familiæ, sed etiam verbi ministris,
imò toti Ecclesiæ maiorem in modum sæpius
ab eo commendata, sed singulari cura & studio de-
scriptæ etiam eidem Pientissimo Electori fuerunt,
repetitionis scilicet frequentioris & expeditioris
causa, magno iudicio, pioq; consilio selectæ ex ma-
gnis voluminibus Lutheri præcipuæ, doctrinæq; vel
consolationis maximè plenæ materiæ seu tractatus,
malè valere iussis curiosis & inutilibus disputatio-
nibus, quibus alios, neglecta vera pietate, ingenij
acrimoniam ostentare videbat, quibus cum histo-
riarum vel controuersijs religionis dijudicandis, vel
gubernationi vtilium lectionem crebram accura-
tamq; coniungebat.

Magna laude ornatur Scipio Aphricanus, quod
libros Xenophontis *περί παιδείας κύρις*, effigiem iusti
Imperij continentes, semper in manibus habuerit:
Agelilaus sapientissimus Spartanorum Rex, quod
nunquam cubitum ire, nunquam manè in lucem
hominum prodire, aut aliud quid agere solitus sit,
quin

quin prius in poëmatibus Homericis aliquid lectiraret, & quotiescunque à negocijs vacaret, statim ad Homerum properauerit, affirmans se ad anasium suum ire: Denique Alexander ille magnus, quòd lectione Iliados Homericæ maximopere delectatus fuerit. At quanto maiori præconio dignus noster Elector, quam illi, qui epistolam D^e i, ad Ecclesiam scriptam, sacra Biblia, crebra manu versando, aliquoties euoluit, ita vt verè illi religio esset, ante horum lectionem, quicquam officiorum vocationis tractare?

Quàm porro euidens, quàm locuples veræ pietatis Electoralis vobis videtur testimonium, generosissimum liberorum institutio & gubernatio domestica, tam accurata, tam grauis, tam religiosa, quos illustrissimus Elector non modò in doctrina & disciplina Domini, inde à teneris annis vsq; rectè Institui curauit, sed ipse etià quotidianis. ijsq; maxime illustribus exēplis veræ pietatis, & virtutis D^e o placentis amore & studio, velut face adhibita, accendit & inflammavit, quibus ad æmulationem excitandam, nihil acrius, nihil efficacius.

Quid? quod non tantum ipse cum suis socius fuit congregationis sanctæ, cum populo Abraham, sed etiani in eam curam omni mente, omniq; animo incubuit, huc omnia sua consilia, dies noctesq; retulit, vt pura incorruptaq; vox doctrinæ cœlestis, in regionum sibi subiectarum Ecclesijs & Scholis, cura paternæ, fraternæq; pietatis repurgatis & præclare constitutis non modo conseruaretur ipso viuo, contra omnes insidias & molitiones nefarias, & manifestam vim ac rabiem Antichristi Romani, sed

etiam velut maximi precij *κεφάλαιον* & thesaurus à patre fratreque hæreditario iure acceptus, ad posteros transmitteretur incorruptus & inuiolatus. Hic si non dicam habitare, quod dicitur, sed commorari & hæreere saltem aliquantisper dicendo mihi liceret, quàm longa, bone Deus, series mihi rependa esset, toties, proh dolor, tamq; astutis consilijs à desertoribus congregationis nostræ, non aperto Marte, sed per cuniculos telis ignitis oppugnata veritatis immortæ confessionis Augustanæ, imò horribiliter deprauata, maximè in doctrina de sacrosancto testamento Christi, clam sparsis in piæ ac laudabiliter constitutis harum regionum Ecclesijs & Scholis, feminibus veteris erroris Berengarij, à Cinglio & Caluino in Christi Ecclesiam reuocati, & quali igniculis, vt Poëta Satyricus fecit, initio cineri dolofo suppositis, postea verò excitatis, & ad magnum incendium ac horrendam vastationem plantatorum in his regionibus hortulorū amantissimorum, comparatis. Si porro ordine mihi commemorandæ essent tot sedandi & restinguendi incendij huius, & ab omni fermento perniciosorum errorum expurgandæ, tuendæ, illustrandæ, & ad posteros propagandæ causa, acceptæ primum à patre, & à fratre custoditæ, ac velut per manus sibi traditæ, puritatis & sinceritatis doctrinæ coelestis, non modo de testamento Christi, sed etiam de cæteris confessionis Augustanæ articulis, de quibus dissidia admodum acerba post bellum Germanicum, occasione Sphyngis Augustanæ, quam **I**NTERIM vocarunt, instar *μῆλα ἐρίδου* Ecclesijs emendatis obiectæ, exorta, & quàm diutissimè acerrimeq; agitata

agitata fuerunt, quæ ne errores altius radices agerent, neue factiones in immensum crescerent, pio & graui Theologorum iudicio constitutæ, & præcipuorum principum ac ordinum imperij consensu receptæ & comprobata, piæ & salutaris *ὑπομονῆς* formulæ occasionem præbuerunt: Denique si iusto ordine commemorandæ essent ab illustrissimo Electore, purioris doctrinæ custode fidelissimo, & vindice acerrimo, sacratissimæ memoriæ, tot de religione institutæ consultationes publicæ, tot conuocata Synodi, tot editæ confessionses, non sine magnis sumptibus, studio, cura & sollicitudine prorsus paterna, tot insomnes noctes traductæ, tot exantlati labores, tot deuorata molestiæ grauissimæ, quæ Principem alium, quantumuis magnanimum & laboris patientem, absterre potuissent, Quam quæso luce meridiana clarius vobis futurum esset, Sanctum Electorē ex his tantis fluctibus & procellis certaminum eluctatum, ex tot simulationum dissimulationumq; insidijs, & inuolucris mirificis sese expediuisse, non politica fretum prudentia aut fortitudine, sed à Spiritu prudentiæ, timoris DEI & roboris mentem illius illuminatam, cor gubernatum, voluntatem confirmatam, conscientiam conuictam, & immotis Scripturæ testimonijs de Confessionis Augustanæ veritate, quò minus patrocinium illius abijceret, velut laqueis inextricabilibus constrictam, denique Electorem totum heroico Zelo tuendæ veritatis incorruptæ, accensum & inflammatum, patre fratreq; illustrissimis, hoc nomine nihilo inferiorem, imò ad similitudinem & imaginem Sanctorum celeberrimorumq; quorumcunque religionis & Ec-

ecclēsiæ, tam veteris quam noui Testamenti, instaura-
torum & propugnatorum, præsertim Iosifæ & Con-
stantini Magni, quàm proximè accedentem, Quam
utinam non adumbrare saltem, sed viuis coloribus
iustæ luculentæque orationis exprimere, & oculis
omnium coràm spectandam proponere, & exhibe-
re mihi liceret. Quotus autem quisq; est, qui
heroicum hoc ardentis Zeli purioris doctrinæ &
Ecclesiæ, pro modo vocationis tuendæ, exem-
plum, simili *πληροφορία* & robore fidei, feruore
Spiritus, amore veritatis incorruptæ ardenti, er-
rorum & Sophisticæ odio *ἀπαόνδω*, imò cura, so-
licitudine, contentione & defatigatione animi, la-
borum molestiarumque tolerantia, in sedandis
superandisque certaminum Ecclesiasticorum flucti-
bus, imitando exprimere studeat? Pudeat nos
maximæ partis nostrum in amplectenda, asseren-
daque puriore doctrina, in sustinendis vincendisq;
hostilium insectationum & oppugnationum pericu-
lis, languoris, dubitationum, frigoris, molliciei,
securitatis, *προσχῆς* & fluctuationis pectorum nostro-
rum, pudeat hypocritas insidiosæ occultationis
suæ, pioque pectore indignissimæ cum hostibus
veritatis collusionis. Sed quò prouehor, quàm
pro angustia temporis modulo longius? Deniq;
quis adeò cæcus? quis adeò stupidus est? qui
cætera non minus illustria ardoris religiosæ pietatis
illustrissimi Electoris monimenta, in constitutione
Rei Ecclesiasticæ & Scholasticæ, publicæ & priuatæ
passim occurrentia, grata mente non agnoscat? ut
quod toties Ecclesias à præcipuis nobilibus &
Theologis tanquam Ephoris constitutis, inspici
& lu-

& lustrari, de pastorum profectibus & moribus
grauem & seueram censuram agi, bona alienata Ec-
clesijs restitui, certam etiam ταμίαν ἱερατικὴν constitui,
de ordine concionum, de rituum Ecclesiastico-
rum exercitijs, de Ministrorum vocatione, offi-
cio & stipendijs, de trium Synedriorum iuris-
dictione & administratione, de Synodorum ce-
lebratione, eamque pro temporum ratione toties
in vsum Ecclesiarum corrigi & emendari, emen-
datamque confirmari curauit, confirmatam deni-
nique Ecclesijs tanto Zelo & edictionis grauitate
commendauit, quò magis parata esset pastoribus
defensio, vno ex his iudicijs Ecclesiasticis aulæ suæ
coniuncto.

Quid dicam de illustrium ludorum, ve-
lut frugiferorum Φυτευθῆσαν Ecclesiæ & Rei-
publicæ Christianæ, liberali conseruatione, au-
gmento, exornatione? Quid de vtriusque Aca-
demiæ tutela paterna, & constitutione tam doctri-
næ, quàm disciplinæ, accurata deliberatione, & gra-
ui iudicio correctæ, reformatæ, auctæ, & illustratæ?
Quid de aucto, accessione non parua in vtrâq; A-
cademia, alumnorum illustrissimæ Munificentiæ nu-
mero? Quid de ædibus huius Collegij commodio-
ris habitationis causa, resectis & instauratis? Quid
de concionum, repetitionum, examinum, declama-
tionū, disputationū & disciplinæ honestæ exercitijs
recens institutis, ad augendam eruditionem, pietatis
& virtutis culturam accommodatissimis? Quid de
legibus, ad vtriusq; corporis scholastici incolumita-
tem diuturnam magna sapientia attemperatis? Quid
de tam docentium, quàm discentiū immunitatibus
& priui-

& priuilegijs confirmatis, stabilitis, auctis & amplificatis? Dies me citius, quàm argumentum deficeret, si ἐν παρόδῳ saltem orationem instituerem, de omnibus partibus velut splendidi & magnifici cuiusdam ædificij, communitatum Ecclesiasticarum & Scholasticarum, tam publicarum, quàm priuatarum, Christo duce & adiutore, à maioribus quidem memorabili pietate & sapientia velut extruendo incoati, à Mauritio vero, laudatissimæ memoriæ, stabiliti & confirmati, ab Augusto denique, sacræ memoriæ, cumulati, instaurati, corroborati, condecorati, amplificati, ac ad eximiam & illustrem hanc speciem, qua multis alijs præfulget, redacti. Sed de ardente pietate D. Augusti plus verborum à me nunc quidem fieri, neque necesse est, cum res ipsa in conspectu sit vniuersorum, neq; temporis ad dicendum concessi ratio permittit.

Videamus igitur ad secundam tabulam pertinentium virtutum insignia. Magna eminent virtutum heroicarum ornamenta in omnibus S. Imperij Principibus, præsertim Electoribus, tam viuis quam mortuis, D. Augusti, dum in viuis esset, collegis illustrissimis, magna eorum sunt merita, quibus præclara debentur encomia. Sed quis inter eos repertus vnquam, aut nunc etiam reperitur, qui suam virtutem, suaq; merita laudatissimis D. Augusti actionibus & meritis sanctissimis præferat, aut maiorem, quàm quæ Augusto debetur, laudis prædicationem expetat? & non potius, si pari cum eo sibi gloria frui liceat, præclarè secum agi existimet? Quanta enim, Deum immortalem, in hoc sancto Principe

Principe fuit ingenij acrimonia & solertia ? Quan-
 ta in consilijs capiendis celeritas, sagacitas, pru-
 dentia ? Quanta in explicatione & dijudicatione re-
 rum perplexissimarum, obscurissimarumq; iudicii
 dexteritas ? Quanta in bonis sententijs tuendis, re-
 cteq; cogitatis consilijs exequendis constantia ?
 Quantus amor veritatis ? Quanta fides in pactis ?
 Quantus candor ? Quanta ingenuitas ? Ita vt verè
 sibi esset, ὅμοιος διὰ πάντων, ἐδένι ἀλλοιωθεὶς, ὡς ἀλη-
 θῶς ἀγαθὸς ἀνὴρ, καὶ ἐδέν ἔχων πρὸς ποίησιν, quo elogio
 M. Antoninum ornat Suidas. Quanta comitas ?
 Quanta animi moderatio ? Omnia prius humani-
 tate, quàm armis experta, fortitudinem consilio
 magis, quàm periculis ostendens, & sapiētiam re magis,
 quàm verbo exercens, quemadmodum Agefilaum com-
 mendat Xenophon, nihilq; nisi communem Ger-
 maniae spectans salutem, & Principum atque ordi-
 num Imperij in vnitate spiritus, per vinculum pa-
 cis confociationem & concordiam constantem ?
 Quanta in rebus gerendis omnibus non modò ad
 subiectarum regionum, sed etiam ad totius Imperij
 salutem pertinentibus ἀμα πρόσσω καὶ ὀπίσσω cir-
 cumspectio ? Quanta sollicitudo ? Quanta vigilantia ?
 Quanta in perferendis laboribus patientia ? Quanta
 in explicandis dirimendisq; in Senatu, Imperij con-
 trouersijs difficilimis, & humano cōsilio penè inextric-
 a bilibus dexteritas, industria & felicitas ? ita vt nihil
 penè vnquam, dum ille dignitatē Electoralem gessit,
 magni momenti rerum in Imperio praeclare & lau-
 dabiliter gestum sit, in quo imperatoriae Maiestati,
 consilium & operam illius requirenti, fidelem
 τῷ ἑσάτην καὶ συνεργόν summa voluntate se non prae-
 buerit,

buerit , pares habens paucos, inferiores plurimos ?

Nihil exaggero, sed potius toto pectore cohoresco, per tranlennam velut aspiciens tantam molem curarum & occupationum, quæ in hunc vnum virum incubuit, non sine admiratione ad stuporem vsque, tam in consulendo quàm agēdo, dexteritatis & prosperitatis illius singularis, maximeq; cōmemorabilis.

Hinc scilicet extitit eximia & illustris illa non modo procerū Imperij, præsertim Septemviroꝝ, sed summorum etiam Imperatorum Caroli V, Ferdinandi, Maximiliani II. & Rudolphi, Domini nostri clementissimi, erga Dium AVGVSTVM beneuolentia, hinc amor erga illum ardens, hinc mutua, crebraq; secretissimorum consiliorum communicatio, hinc prudentiæ cæterarumq; summarum virtutum, cum hac coniunctarum, in AVGVSTO admiratio, hinc tot exterorum Regum & Principum ad Augusti consilium, & intercessionem apud Imperij Senatum tam cupidum & concitatum confugium, hinc eorundem in amicitiam illius certatim factæ insinuationes, hinc omnium promissima obsequia, hinc Augusti obseruantia, hinc reuerentia, hinc autoritas.

At nunc videor mihi exaudire lamentabiles plætorumq; Imperij procerum & ordinum voces : Heu afflictam sortem & conditionem nostram, utinam sapientissimus fidelissimusq; hic Imperij Romani Consiliarius, Nestoreos annos superstes esset ? minus certè periclitaretur Imperij salus, minus exultarent hostes nostri.

O si in arduis saltē, maximeq; intricatis & perplexis negocijs, quandoq; consiliū nobis ab illo exquirere liceret,

liceret, à quo nihil nisi pium, prouidum, solers, sagax, limatum, argutum, nihil nisi sedatum, moderatum, pacificum deniq; proficisci solebat. O quam salutaria consilia ex hac veluti penu sapientiæ & consilij pij in maximis Imperij periculis capiebamus. Sed hæc de his sufficiant.

Videamus iusticiæ studium. Certissimum est autem, quò quietior & tranquillior, quò etiam Iusticia. diuturnior A V G V S T O heroi gubernatio, quam maiorum quibusdam, Dei munere & concessu contigit: eò plus illum curæ, vt in conseruatione purioris doctrinæ, qua de prius dictum est: ita in iustitiæ administratione legitima, & disciplinæ honestæ ac pacis publicæ custodia posuisse.

Et iusticiæ quidem, quam tersum politumq; speculum sunt laudatissimæ *razis*, seu constitutiones politicæ, ad iusticiam & disciplinam in his regionibus conseruandam, singulari cura & studio accommodatæ?

Quam sunt eiusdem virtutis illustria quoque exempla, domicilia, officinæ & custodes fideles, ipsæ curiæ & *dixastéria* Electoralia? vt si illibatam inuiolatamq; iusticiæ, in iudicijs illustrissimæ aulæ dominantis, speciem accuratè intuearis, fateri cogaris, cum optime prælarissimèq; constitutis aulis & curijs regum ac imperatorum eam certare, ne dicam non planè nullis antecellere.

Quam euidentia & perspicua sanctissimæ grauissimæq; iusticiæ & disciplinæ custodiæ testimonia, in illustribus exemplis seuera animaduersionis, in

C 2

disci-

disciplinæ & iusticiæ violatores, & pacis ac tranquillitatis publicæ turbatores ab eodem sanctissimo Principe statutis, ante oculos nostros fuerunt proposita?

Clementia Cum autem verissimum sit, iusticiam sine clementia & ἐπιεικείᾳ probabili crudelitatem esse, nequaquam dissimulandum est, etsi heroicus Elector in discernendis & infligendis pœnis publicorum scandalorum autoribus, in coërcendis grassatoribus, reprimendis latronibus & insidiatoribus & id genus ἀλάστοροι, vt dictum est, nequaquam lentus aut remissus, sed acer & seuerus iustitiæ diuinæ administer, & iniustitiæ ultor extiterit, à corpore immedicabilia membra, ne pars sincera traheretur, ense recidendo: Semper tamen immodicam asperitatem acerrimo odio cum persecutum esse, verè πατέρᾳ τῷ ἥπιον, secundum Homerum, nec impatientia perfidiæ aut iniuriarum quicquam vnquam, quod sæpè impotentes animi faciunt, cum periculo patriæ coniunctum mouisse, quin potius notorias maximèq; atroces iniurias, conseruandæ publicæ pacis causâ, æquissimo sæpè animo tolerasse, nec nisi à facinorosis, mensura scelerum probè impleta, & extrema necessitate postulante, ad vindictam processisse, priuato dolori publicam salutem semper anteponendo, multo maiore animi æquitate & moderatione, quam olim Lælium, quem hoc nomine admiratur & celebrat sapiens vetustas.

Pax Quantum verò in communi pace tuenda inclitus Heros præstiterit, quid multis opus est? cum id non homines tantum vna voce testentur, sed agri & campi ipsi verbis exprimere gestiant?

Quis

Quis annos penè XXXII, quos Electoratum
summa cum dignitate & laude gessit, militem pa-
triae infestum in his regionibus vidit ullum? imo
quis visurum se metuit? Quod eò admirabilius est,
quò magis motas, confusas, & in discrimine con-
stitutas res Imperij meministis omnes, AvGVSTO
gubernacula Electoratus capessente, instar nauic-
ulae, quae fluctibus maris turbulenti iactata, quando-
que ad scopulos alliditur, ut fatiscere, & iam iam
naufragium factura videatur: Quae turbæ, post De-
um, pacificis & moderatis consilijs huius magnanimi
Herois, in ipso quasi limine gubernationis, ita seda-
tæ & compositæ fuerunt, ut numinis instar τῆ εἰρηνο-
ποιήσαι καὶ ἀποκαταστάσεως turbatæ Germaniæ cau-
sa, tum de cœlo missus videretur.

Nec verò incoata tum fuit pacificatio tantum,
sed pax etiam constituta, Dei beneficio, & cura
atque sollicitudinē AvGVSTI nostri, huc usque sine
vlla interruptione constanter conseruata, ita ut cum
antecessoribus nonnullis, non minus pacis, quam
gubernationis diuturnitate certet, Marco AEmilio
Lepido, qui Concordiæ nomen sibi arrogavit, τῆς
εἰρηνοποιήσεως καὶ εἰρηνοφυλακίας laude longè ante-
cellens, AvGVSTO Monarchiæ Romanæ, ἐξάρχῳ
ut nominis societate, ita pacati & tranquilli impe-
rij gloria & celebritate quàm maximè coniunctus,
denique Alexandri Seueri, cuius imperium τῆ ἀναι-
μαχτῆ attributo præ alijs celebratur, æmulus & imi-
tator felicissimus, nisi sanguinariorum conspira-
tiones nefariæ gladium illius acuisent & cruen-
tassent.

Fortitudo


Sed videor mihi iamdudum audire quosdam

bellicarum laudum D. Augusti præconium requi-
rentes, occinendo mihi celebre illud Agamem-
nonis elogium:

Ἀμφότερον βασιλεὺς ἀγαθὸς τ' κρατερός τ' ἀρχηγός.

Verum meminisse isti debebant eius, quod verè
à Ciceronè dicitur: multas res domesticas extitisse
maiores clarioresq; bellicis, Et Symboli Imperato-
ris Martiani: Quid opus est armis indui, quando
in pace vivere possumus?

Quod si quis non dimicet de gloria sua, vt
Pyrrhus, non de alienis regnis occupandis, vt A-
lexander, nec priuatæ cupiditati vindictæ indulgeat,
vt Annibal iratus Italiæ bellum intulit, sed de pro-
prio regno tuendo, excolendo, amplificandoq; so-
licitus sit, maximè vero si huc omnia sua consilia,
studia, conatus & labores referat, vt Ecclesiam re-
ctè constitutâ, & ab omni hostium vi ac intestinorum
certaminum procellis liberam, doctrinamq; ab om-
nium errorum inquinamentis repurgatam posteris
relinquat, exemplo sancti Imperatoris Theodosij,
magis de Ecclesia, quàm de sua ipsius vita solliciti,
vt Ambrosij verbis utamur, quo in sanctissimo au-
gustissimoq; militiæ genere D. Augustus strenuè
admodum, per omnem vitam decertando, insignes
& egregios de hostibus triumphos egit, an non il-
lis ipsis bellatoribus Heroicis, quemadmodum &
Camillis, Decijs, Scipionibus, Fabijs & id genus
multis alijs meritò superior iudicabitur?

 Ad Imperij verò bella quod attinet, quid inde
quæso vsq; ab initio gubernationis illius Electoralis
bellorum vnquā contra immanissimum orbis Chri-
stiani hostem tyrannum Turcicum gestum est, in
quo

quo non ille consilij prudentia plus, quàm quidam
etiam armis præstiterit? γνώμη γὰρ κρείσσων ἔστιν, ἢ βίωμη
χερῶν.

In ipso vero Imperio, post sacros Imperatores,
quot quamque perniciosi motus ipsius consilio &
autoritate oppressi? quàm periculosa dissidia com-
posita? quanta Germaniæ restincta incendia, quan-
ti fluctus, quantæ procellæ factionum, metu armorum,
& potentæ illius sedatæ?

Domi denique & in ipsa patria, quàm illustres
de coniuratis patriæ hostibus, & quidem sine multa
cæde & sanguine victoriæ reportatæ? Quæ tanto
gloriosiores & admirabiliores sunt, quantò illustrius
non minus prudentis quàm heroici bellatoris opus
est, insidiatores de bello interèdo consilia adhuc agi-
tantes aggredi, & arma eorundem manibus excute-
re, quam campos, castris & milite iam complentes,
omniaq; longè lateq; vastantes & populantes, armis
& robore opprimere & prosternere. Quid ergò?
& quid dicis? nunquid hæc considerans magnani-
mum heroa, hostibus debellandis Martis opere
dubio & ancipiti nullū prorsus generosi & Mauortis
animi peritiæq; armorum specimen edidisse dices?
Absit. Nonne cum potius semper in armis & acie
quasi stetit fateri cogeris? alijsq; tantò maiore bel-
licarum artium laude antecellere, quantò maius o-
pus est, continua bella gessisse & gubernasse, quā
vnam atque alteram saltē quantumvis periculosa
velitationem & depravationem cum hostibus in
castris commississe? Sed de his bellicarum rerum
periti, quàm ego, & iudicaverint rectius & com-
mentati forte fuerint melius atque commodius.

Neque

Neque hic præterirem silentio illustria monumeta, clementissimæ munificentia & *Liberalitas*, quam cum in alios suæ celsitudini subiectos, tum in Ecclesiam & Scholas, maximè in Academiam nostram liberali pectore exercuit, quam ille ut sibi hæreditariam, tanquam *Österreich* pater filiam maximè dilectam, in sinu suo complexus, singularis clementia cura & studio fovit, ornavit & auxit: verè Abimelech, id est, pater meus rex, quo titulo reges Palestinae olim ornati fuerunt: Quàm etiam laudibus extollerem illustrem Colophonem, quo clementissimam suam erga Ecclesiam magnificentiam quasi conclusit, amplissimæ donationis centum millium florenorum, piorum verbi ministrorum viduis & pupillis, ne fame contabescerent, alendis sustentandisque, sancta dispositione testamentaria quasi consecratorum, nisi orationem prolixiorum temporis excluderet angustia?

Hinc autem quàm luctuosus & acerbus nobis acciderit, tanti Principis obitus, quis est qui non intelligat? Et quidem non nobis tantum, sed toti patriæ Germaniæ, inclitæ domui Saxonicae vniuersæ, ordinibus Imperij omnibus, imò Christianorum orbi vniuerso. Heu Misnia, heu Electoratus Saxoniae, heu Imperium, heu Germania, heu totus Christianorum orbis. Quam caput prius auspicijs præsidioq; *Avousti* erectum modo demittitis? Quàm miserabili gemitu & voce admodum lamentabili cladem hanc deploratis? quàm concitato desiderio Seruatorem vestrum reuocatis? O nos miseros subditos, tam bono Principe orbatos. O me infelicem Misniam, patriam vestram, Patre patriæ desti-

destitutam. O nos squalidas Musas. O calamitosos ludos illustres, tam benigno Mæcenate & nutritore potente priuatos. O languentes vniuersitates scholasticas, puellis infirma adhuc ætate parente orbatis non dissmiles. O terq; quaterq; me infelicem Ecclesiam, tam benigni non Domini sed patroni, non Principis sed patris cura, patrocinio & fide spoliata. O consternatam perturbatamq; me inclitam domum Ducum Saxonæ, magno præsidio ornamentoq; exuta. Denique me miseram totam Germaniam, olim quidem florentem Europæ dominam, Romani Imperij æmulam, nunc autem languescentem quasi, marcescentemque flore generosi sanguinis subiade exarescente. Tandem me miserum Imperium Romanum, amissa viua columna, fundamentoq; solido, & quidem tempore alienissimo, imò periculosissimo, quò nunquam magis hoc firmo parastata mihi opus fuit.

O. AEthna grauiorem molem peccatorum nostrorum, qua tam firma columna oppressa est, lacrymarum torrente deplorandam, vt scriptura loquitur. O Iliada & Lernam¹ tragicarum calamitatum in nos impendentiu, tanti herojs obitu prænunciatam, non nisi matura seriâq; omnium ordinum pœnitentia & deprecatione in fide Christi ab humeris nostris auertendam. Sed quo prouehimur indulgentes dolori & lacrymis? Et cur dolorem, cui modum statuere iubet religio Christiana, ipsi nobis exasperamus; Principes illustrissimi, patres amplissimi, quasi vel de salute illustrissimi Electoris essemus solliciti, aut omnibus nobis erigendis accommodatarum consolationum præsidijs destituti? Quin

D

potius

potius omiſſa lamentatione & fletu, colligamus nos,
doloremq; applicatinoe remediorum ſalutarium
vincere ſtudeamus. Ad tuam enim illuſtriſſimam
ceſſitudinem quod attinet, Princeps ô AVGVSTVS,
conſopita illa morte placida (quam Græci *Θάνατον*
εἰς vocant) non eſt redacta in nihilum, ſed ex du-
riſſimo ergaſtulo & ſqualido carcere huius non
tam vitæ, quam calamitatis, imò ex iactatione hor-
ridæ tempeſtatis & pelagi turbulenti, inſtar naui-
culæ ſæuiſſimis fluctibus diu agitata, liberata
ſancta & heroica animula tua, ad tranquillum por-
tum feliciter appulit, imò ex terrena aula curarum,
laborum, moleſtiarumq; pleniffima, euolauit in
ſplendidiffimam aulam æternæ beatitudinis, & lucis
inacceſſæ, in qua læto fruitur conſpectu filij Dei,
Immanuelis noſtri, cuius gloriam & veritatem acer-
rimè defendit in hac vita, inuitis & frementibus
portis inferorum, collatione cum Angelis dulciſ-
ſimæ & conſuetudine torius Eccleſiæ triumphan-
tis ſanctiſſima, ita vt veriſſimè exclamare poſſi-
mus:

*Tu patriam repetis, triſti nos orbe relinquis.
Te tenet aula nitens, nos lacrymoſa dies.*

Corpore in ſpe glorioſæ reſurrectionis in cubili
ſuo, ad conſummationem ſeculi uſque, ſuaniterre-
quieſcente.

Teſtis huius rei *ἀξιόπιστος* nobis eſt religioſa
tua *ἀνάκλησις*, facta in ardente inuocatione, in con-
ſtante & exultante, ac conſolationis viuificæ plena
fide & confeſſione Ieſu Chriſti, Domini & Ser-
uatoris noſtri vnici, eaque gemitibus, ſuſpirijs &
votis

votis, imò precibus ardentibus, ex imis cordis penetralibus depromptis, sapissime iterata, & ad extremum vsque vitæ Spiritum continuata, cuius beatæ emigrationis ex hac vita cogitatione accurata, quis est qui dolorem sibi imminui non sentiat?

Et quidem quàm efficax hoc esset dolori vulneris nostri mitigando remedium, nisi alia essent quæ *ἀλγίστα φάρμακα* non minus efficacia, & salutaria? Quem enim non efficaciter consoletur, erigat atque recreet? in primis æterni Dei clementissima promissio, de miranda protectione & conseruatione regnorum & Rerumpub. fidum ac tranquillum Ecclesiæ hospitium præbentium, & de Ecclesiæ in his stabilitate & incremento, deletis illius hostibus: Cōteram regnum peccans, & non conteram regnum Iacob: Posui verbum meum in ore tuo, & umbra manus meæ protegam te, &c. vt dubium nullum sit, hunc custodem nobis quoque assuturum, & nauiculam gubernationis politicæ, ne ad scopulos periculorum errorum & lapsuum impingat, propter Ecclesiam & Scholas tutam præstiturum, quamdiu illis comoda in hac sedes concessa fuerit, omnibus Epicuræ *ἀτελγείας*, profanæ securitatis, blasphemorum errorum, sædarum libidinum, & atrocium scelerum, manifestorumque scandalorum, inquinamenti ab ea expurgatis, & quasi ex agro ac finibus Ecclesiæ, instar Zizaniorum & lolij infelicitis, graui concione poenitentiae, seuerâ animaduersione Magistratus, veraque ad Deum singulorum conuersione exterminatis. Reprimat etiam doloris impetum cogitatio de succedente in Illustriissima vestigia gubernationis pa-

ternæ filio , re & nomine Christiano , Principe generosissimo , & ad omnia summa nato , Domino nostro clementissimo , à quo in conspectu & ante oculos omnium posita heroicarum , imò regiarum animi dotium insignia , præstita præclara , viuo patre , laudabilis & salutaris gubernationis initia , & speciosa , piæ ac heroicæ æmulationis virtutum & laudum paternarum auitarumq; documenta , (merito grata mente nobis agnoscenda , subiectissimoq; studio prædicanda , & laudibus extollenda omnibus) spem nobis haud dubiam faciunt , imò argumento sunt certissimo , illustrissimam Celsitudinem illius , iacturam fidelis & salutaris operæ , in fouenda & ornanda vera incorruptaque religione , Ecclesia & patria , & fulciendo Imperio , obitu parentis factam , Dei fretam gratia & auxilio , studiosè compensaturam , gratissima mente & ore à nobis & omni posteritate in his terris , & omni æternitate hoc nomine celebrandam.

Vides illustrissime Princeps Elector Christiane , religionis puræ & incorruptæ curam custodi-amq; in his terris in te recumbere , instar maximi precij depositi , vnà cum hæreditate à patre tibi traditæ & commendatæ , flagitare opem tuam res Imperij vniuersas , admodū inclinatas perturbatasque , in te vnum proiectam patriam , à te pendere omnium ordinum dignitatem , Ecclesiam , literas , pacem publicam , iura , disciplinam , & quid non ? denique omnium oculos , in parentem prius defixos , in te vnum nunc conuersos , & spem omnem repositam , tu nobis , post Deum , vnica arx , tu portus , tu ara , tu asylum nostrum. Tu absq; vlla dubitatione ,
pro pie-

pro pietatis tuæ, cæterarumq; heroicarum virtutum præstantia & excellentia, omni mente, omniq; animo in hanc curam incumbes, huc omnes neruos intendes, vt tantam rerum molem humeris tuis impostam, Deo inprimis propitio te gubernante & confirmante, in timore, fide, & inuocatione illius piæ & heroicè sustineas, geras, serues & tuearis.

Spondet hoc nobis pietas tua in Deum, in patriam, in parentem, amor erga Ecclesiam & Imperium, cum heroica virtute coniunctus, flagitat vnicè gloria nominis diuini, salus Ecclesiæ, incolumitas patriæ, libertas inclytæ Germaniæ, deniq; stabilitas sacri Romani Imperij vniuersi.

Quod superest *Præcatio.* non minus efficax, & crebra iteratione dignissimum, imò præsidium Ecclesiæ vnicum firmissimumq; Te Fili Dei & hominis, Domine Iesu Christe, supplices oramus, ne sinas hostili incursione lûporum gregem tuum lacerari, aut vastari ab apris vineam tuam; nec tradas animam turturis tui feræ arundinis discerpendam, ne dicatur in gentibus: Vbi est Deus eorum? Quin potius extirpa ex cœlesti vinea tua omnem plantationem, quam non plantauit pater tuus cœlestis, & respiciens de cœlo, vide ac visita, potenterq; tue-re & excole vitem tuam, nosq; huic insitos palmites, vt copiosum tibi fructum feramus in hac vita & in omnem æternitatem.

O vtinam, veritas & pax atq; ætissimo amplexu copulata, suauia sibi inuicem oscula figant perpetuò in terra nostra.

Deniq; serua rudera huius vltimæ Monarchiæ, fulciendo luteos pedes nutantis Imperij, excita illu-


strisimum Principē Christianum Electorem, & alios
præstantes heroas, vt ~~et~~ ^{basilicæ} instar collabentem
molem miserè afflicti, & horribiliter lacerati Impe-
rij Romani, sustinere & fulcire studeant, medere
grauissimis vulneribus inflictiis, Illustrissimæ viduæ,
familix & aulæ Electorali, inò Ecclesiæ, Patriæ,
& Germaniæ vniuersæ.

In primis verò efficaci consolatione erige, gu-
berna, saluumq; & florentem diu nobis præsta ge-
nerosissimum, illustrissimumq; Principem Christia-
num, Dominum nostrum clementissimum, & Cel-
studinis illius Inclitæ Illustrissimam Coniugem, Do-
minam nostram Clementissimam, cum Generosis-
simis pignoribus, Illustrissimis sororibus & affinibus,
cumq; tota Illustri domo Saxonica, in diuturna pro-
speritate & pace harum Regionum.

Feliciter aspira aura fauoris, & sacri flaminis tui,
ô Christe, auspicijs Illustrissimæ gubernationis il-
lius, inò prouehetotum curriculum vento secun-
do Clementiæ tuæ, vt gloriæ nominis tui, incre-
mento Ecclesiæ, & saluti Reipub. Christianæ, cum
literariæ, tum ciuilis, in his Regionibus, hîc & ali-
bi, vtiliter inseruiat, sedatis multiplicibus turbarum
procellis, & auersis impendentium calamitatum

turbinibus, qui cum Patre & Spiritu Sancto vi-
uis & regnas, in Trinitate Deus vnus, in
omnem æternitatem cele-
brandus.

D I X I.



ORATIO AL-
TERA VERSIBVS
HEROICIS CON-

SCRIPTA

á

M. IOHANNÉ ALBINO



*ONiunctis quoties sacri penetralia templi
Catibus, vnanimi sensu, consuecta subimus,
Vota soluturi regi qui prasidet astris,
Ing, manu cuius sunt omnia, magnus Olym-
pus,
Atq, sinu tellus qua diues continet amplo:
Hac semper subeat nostras meditatio mentes,
Quanta sit hac miseros nos gratia numinis erga
Diuini, (rerum facies quacunq, sit orbi)
AEde quod in sancta, congressus inter amicos
Aure haurire licet ter sancti oracula verbi,
Quod CHRISTVS Dominus, caelo saluator ab alto
Eg, sinu superi nostro patris intulit Orbi,
Vnde salus promissa patet mortalibus agris,
Certaq, sollicita capiunt solatia mentes.
Nulla potest satis hoc effari nobile donum
Lingua, nec ipsa animi vis id comprehendere nouit.
In tenebris siquidem densis, hoc quando caremus,
Ignariq, Dei, propria ignariq, salutis
Versamur, sed cum nobis lux illa resulget,
Qua fuerant caca caligine mersa, patescunt
Omnia, perspicuam de se fundentia lucem.*

E

Hic

*Hic fons est scaturit, qui viuas limpidus undas,
Cuius labrarigat dulci quicunq; liquore,
Non sitit aeternum, quin flumina concipit intus,
Ad cæli largis vitam ducentia riuis.*

*Hic anceps gladius concidens obuia quauis,
Cui se vis nescit truculenta opponere mundi,
Non stygia qui Dis tenet horrida regna paludis.
An non cum Satanas (templo sacra concio nobis
Vt nuper retulis) perplexas tendere CHRISTO,
In varias audax facies mutatus & ora
Insidias cuperet, loca per deserta vaganti:
Diuini obtento CHRISTVS tutamine verbi,
Et veterum contrarepedito carmine vatam,
Irrita tentamenta doloq; retundit inanes?
Hoc Ducis exemplo moniti nos, tempore quouis,
Qua facies rerum, casus quicunq; vagetur,
Diuini sumus muniti pectora verbi,
Aduersus Satanam Clypeo mundi; furores.
Ac veluti vastum qui verrunt nauibus aquor,
Incerti quamam nauta regione ferantur,
Ad paruam cæli Cynosuram lumina vertunt,
Qua cursu interiore breui conuertitur orbe:
Sic nos ne vario instabiles errore trahamur,
Mentibus ad verbi diuini oracula sumus
Intenti, tutos quod præstat, maximus orbis
Si ruat, in chaos atq; antiquum cuncta reuertant.
Hoc nos præclarum par est agnoscere donum,
Autorm, boni tanti, nostraq; salutis,
Perpetuo promptis animis persolvere grates.*

*Iamq; adeò quoniam sacra conuenimus ade,
Magnifico præsentem viro, virtutibus amplo,
Cumq; absint pietate viri meritisq; probati,*

Complere

Compleat ac studiosa astant loca cetera pubes,
Quid prohibes, verbis euoluere pluribus, ingens
Immenso verbi donum, quod ductus amore
Credidit, & vouit tibi sancta Ecclesia Christus?
Quo sine mors, hominum vel felix vita putanda est,
Quod nobis solum rebus solamen in arctis,
Qua sola arx, portus tutissimus, araq; nostra est.
Affer opem tu magne Deus, viresq; ministra,
Absq; tuo vis ingenij ni numine praeat,
Nec praeare potest, timidam tu dirige nauim,
(Nam potes) & cursus velis immitte secundos,
Vt tenui memorare queam tam grandia versu.
Et facies, nec enim te supplice voce rogantem
Deseris, infirmo praestas quin plura petitis.

Sunt, quae nemo negare potest, ingenia prorsus
Dona, quibus miseros mortales afficis ultro
Clemens ille pater rerum Seruator & autor,
Qua si quis verbis velit enumerando referre,
Ille etiam Lybicis numerum subducet arenis,
Aut atomi referet volitent quot ubiq; per auras.
Quò magis hac mentes vestigant sensibus imis,
Obruit infirmas magis harum copia rerum.
Et quis erit, centum si linguas oraq; centum
Si natura daret, dignè qui reddere verbus,
Quanta sit erga homines bonitas, miseratio quanta,
Possit, inexhausto quae manat ab aethere fonte?

Mirifica sapiens hominis cum condecet arte
Membra Deus, radios diuina lucis, & alios
Ipsi praecunctis animantibus indidit haustus,
Vt natura sagax, compos rationis & esset,
Praeteriti memor, & quae fors uentura sub annos
Sint, incredibili rationis acumine scrutans.

Hoc cælum vasto quod circumplectitur Orbe
Omnia, conspicuis astris & luce resurgens,
Vnde dies nocti succedit, & unde peractis
Mensibus, in sese remeando voluitur annus:
Hic varius passim quo circumfundimur aër,
Circuitu Nereus magno quacumq; recondit:
Alituum, pecudumq; genus, genus omne ferarum:
Humanos fecit cura omnipotentis ad usus
Omnia, nec quicquam caret utilitatibus, ille
Ille Deus nostri curam gerit, atq; benigna
Omnia suppeditat dextra, qua vita requirit.
Quin nos angelicos, hostis ne sorte nocere
Insidia possint, denso lubet agmine cætus
Cingere, ceu vallo magnas quod circuit vrbes.
Magna quis hac neget esse? & sunt hac max. certe,
Sed veluti radijs claro sol aureus ortu
Exuperat reliquos maioribus aetheris ignes,
Gratia sic immensa Dei bona cætera vincit,
Quod cum tetra esset nil non caligine pressum,
Humani generis sortisq; misertus iniquæ
Sedibus arcanis is prodijt, omnia luce
Miranda & verbi longè lateq; repleuit.
Quodq; tot in rerum vicibus, mundi, procellis,
Dum vetera intereunt terris noua regna resurgunt:
Sancta tamen per tot conseruat secula clemens
Cum sacris veterum libris Oracula vatium.
Nulla erat ante via, obducebant omnia vepres,
Arcebant aditu mortales aurea cæli
Sidera: terrificis tenebris obducta latebant
Omnia, non secus ac pulsa diuinitus vrbes
Luce Pelusiaca quondam latuisse feruntur.
Vt vero sancti verbi lux orta refulsit,

Et pia

Et pia religio cælo caput extulit aureum,
Cum tenebræ fugere metus horrente capillo,
Et dubias mentes hominum qui decipit Error :
In quorum subière locum spes nescia frangi,
Cum pietate fides, niuea & Dilectio palla.
Præclarum hoc donum, quo non diuinius ullum
Qui non deuotis animis agnoscere secum,
(Vtq; potest) aliquos conetur reddere grates,
Durior est scopulis fixis radicibus imus,
Adriaco assidui quos fluctus marmore tundunt.

Si quis adhuc duras retinens in pectore cautes,
Non tanti ducenda putet tam maxima dona,
Theauri tanti vim non intelligat : ille
Ad varias mentis conuertat lumina gentes,
Ignaras superum, & diuina lucis egenas,
Æthiopas, Arabas uè, sitos uè sub ignibus Indos,
Et media ire vident umbras qui luce sinistras,
Turcarum spectet sceleratum dogma Tyranni :
Eheu quæ tenebræ, quam rerum tristis imago,
Quantus inest animis quamq; execrabilis Error
A regione via ducens & tramite recto,
Inuoluens (miserrum) extrema caligine mentes.
Dum ducunt infelicis spiramina vita,
Non illos fulcire potest spes vlla salutis,
Nulla secutura releuant solamina vita,
Incertis animis dubijsq;, ut bruta, vagantur.
Auocat at cum mors tristes telluris ad umbras,
Attra patent illis directo Tartara ductu.
Et quis erit tandem, si mundus quos habet amplius
Thesauros teneat, velit hanc ita ducere vitam ?
O talem Deus à nobis auertito pestem.

Barbaricis memoro quid gentes Orbis in oris ?

Imperio quondam quid erat florentius usquam
Romano ? quod per tam plurima secula magnos
Protulit Heroas, fama super aethera notos,
Qui tot fuderunt hostes, tot praelia forti
Consecere manu, celebres cepere tot urbes.
Quid tamen est verbi diuini luce remota
Splendor is, & tanti Maiestas inclita regni.
Scipiadum ducens aliquis post terga reuinctos
Captiuos reges, magna praecunte caterua,
Stipat utrumq; latus procerum lectissimus ordo,
Ipse sedens curru gemmis auroq; micanti,
Maenia cum triplici ingreditur Romana triumpho :
Ingens spectantum tenet admiratio mentes,
Expleri nequeunt oculis, ardentq; tuendo :
Sublimen fausti tolluntur ad aethera plausus.
Quis vita neget Heroas hos esse beata ?
Quem non afficiat tantarum gloria rerum ?
Hi sunt, hi soli (dicas) quos numina curant :
(Sunt ubique,) Homines alij velut umbra vagantur.
Ha sedes superum, hu magni sunt credita mundi
Regna, pares Djs in terra qui cuncta gubernant.
Intima sed tanti Herois penetralia cordis
Si tueare, sacra & de religione requiras,
Quem putet esse Deum, cui pareat arduus aether,
Quo fidat, faciem cum sors ostentat acerbam,
Hac fragili num nam defuncta cadauera vita,
Ossaq; ab exesitis sint surrectura sepulcris,
Vita pijs olim an mortalibus altera restet :
Illius, hac inquam si tecum in corde requiras,
Obducta horrenda caligine cuncta videbis.

Absq; Deo vixit vagus, incertusq; salutis
Ivlivs, à veteri deductum nomen Ivlō

*Cæsar habens, nec quid fugiat scit, quidue sequatur,
De superis animo rebus cum cogitat ille,
Incertam penitus turbat dubitatio mentem.
Tandem cum cedis fatali funere vita,
Non ipsi vel opes, tantorum aut splendor honorum,
Non res, quas varijs terrarum gessit in oris,
Non vrbes toties, quas Marte fauente subegit,
Non meriti summa toties cum laude triumphi,
Vel minimum prodesse queunt, quin passeris instar
Exigui, leuibus qui pennis æra tranat,
Vulneribus moritur proprijs confossus amicis,
Cum gemituq; fugit vita indignata sub umbras.*

*Felices nos ergo & terq; quaterq; beatos,
Clara Euangelij quibus est lux credita cælo,
Lux ingens, largo collustrans lumine mundum,
Et splendor solem illustrans splendoribus ipsum.
Hæc lux, quæ via tendat ad alti limen olympi,
Notitiamq; Dei dictis demonstrat apertis.
Discutit hæc mentis tenebras, clara omnia reddens,
Ambiguo nulla ne parte errore trahamur.
Hæc lux ingentes thesauros clara recludit,
Ad quos collata, quibus India diues abundat,
Innumera rutilis gemma splendoribus, omnes
Stundi diuitie, vasa aurea, copia honorum,
Res gestæ ingentes, atomi sunt vnius instar,
Pulueris aut tenuis, rapido defessus in æstu,
Quem repetens patriam sicco spuit ore viator.*

*Quæ vero, quenam quam sacra volumina produnt
Notita est? nobis quid spondet cælitus orta
Vox Euangelij? quamam bona tanta feruntur?
Quosnam thesauros homini vox illa recludit?
Dicam summa sequens tantum fastigia rerum,*

Plura

Plura p̃ijs animis vestris meditanda relinquens.

*Æterni CHRISTVS Soboles aqueua parentis,
Luciferum ante satus roseum, quem secula propter
Condita sunt, viuum viuo de lumine lumen,
Vnica spes hominum, Saluator & unicus orbis:
Sacrorum situs est monumentis ille librorum,
Hunc nobis produnt diuina volumina vatum.
Hic est ille Deus, miserans incommoda nostra,
Consilio superum magno qui ductus amore
Venit in has terras è casta virginis aluo,
Editus in lucem mortali corpore, Verus
Factus Homo, Deus & mortales induit artus.
Post & Iudæo sub præsede plurima passus,
Solueret ut nostram precioso sanguine noxam,
(O amor, ò ingens bonitas) trabe fixus in alta
Insons humano vitam pro crimine fudit.
Tres ubi sed lucis tumulo latuisset in imo,
Has superas victor redijt rediuius in auras,
Exceptusq; polo, Angelica plaudente caterua,
Ad dextram residens regnat patris omne per auum.
Hunc nos esse redemptorem Dominumq; fatemur.
Hic nos è miseris tenebris & carcere ceco
Ereptos, parva Dux libertate reduxit
In patriam, clausi vellesq; reclusit Olympi,
Ut via iam sit aperta ad cæli sydera ducens,
Et superi liceat coram patris ora tueri.
In CHRISTO siquidem diuina potentia tota
Vina latet, magnum quæ virtute æthera complet.
Hæc via, qua sine nil hominum nisi pectora teter
Error habet: vera est hæc lux, vera omnia pandens.
Hæc vita est, quam si demas, quæ vita putatur
Mors erit, exitium intentans miserabile cunctis.*

Hoc

*Hoc duce nemo potest nos contra dicere causam :
Iudice non hoc vlla nocet damnatio nobis,
Iustitia CHRISTI precioso ornata monili
Gorda, licet fuerint natura squalida labe,
Sithonia longè niue candidiora nitescunt.*

*Ac quamuis varijs arumnis parte premamur
Ex omni, tentent nostram mala multaq; vitam,
Aduersis nos vna tamen solatia cunctis
Spesq; manet, trepido confundi nescia casu.
Viuimus, immitis (mirum) mors quando trucidat
Corpora, quæ fuerint tumulis ubi condita, tandem
Cum tuba terribilem sonitum dabit aethere clangens,
E placido somno velut exspectata resurgent,
Viuag; percipiens aterna gaudia vita.*

*Hac bona sunt, ha diuitia, thesaurus hic ingens,
Diuini sacra quem referunt Mystera verbi,
Eripere haud poterit, quem quicquid ubiq; malorum.
Non fortuna vagans, permutans ima supremis,
Atq; suprema imis, stygi non arbiter orci,
Ringatur quamuis, & misceat infera summis.*

*Ille quidem generis nostri terribilissimus hostis,
Antiquus spiris ingentibus anguis oberrans,
Cum nobis hac inuideat, nil linquit inausum,
Nil non molitur, quo sancti dogmata verbi
Deleat, aut penitus si non extinguere possit,
Infuso falsa doctrina limpida cano
Flumina, gemmeolis undis manantia turbet,
Hinc tot doctores falsa pietate tumentes
Excitat, & passim discordia semina spargit,
Hinc tot & exorti nullo non tempore sauis
Diuinum flammis ausi ferroq; Tyranni,
Tormentiq; alijs miserandis perdere verbum.*

Quis aliquos adeò reges furor impius egit,
Vt conquistos diuinis undiq; libris,
Catibus in medijs auderent tradere flammis.

Quis non Antiochi, qui tantis cladibus hostis,
Iudæis adeò flammis & saevis oris
Edictum, haud penna scriptum, sed sanguine nouit?
Immani iussit quo trux hac bellua rictu
Diuinis abolere libros, nec sancta negare
Namina, vel truncis accendere thura volentes,
Tormentis exquisitis flammisq; necari.
Nota Diocletiane tua est rex impie tetra
Saeuities, qui non contentus cade nefanda
Tot sanctas animas, Christum Christiꝝ, professas
Dogmata, terribili cruciatu tollere visa:
In sacros etiam te libros impius egit
Ardor, vt auderes sauis hos urere flammis.
At florent stabili sacra scripta nitore per orbem,
Te propria (horrendum) confosso vulnere dextra,
Atq; Orci nulli raptò miserantis ad ignes.
Iste quoq; Antiochus portentum ignobile, tandem
Vermibus innumeris, per membra scatentibus omnia,
Horribili vocis fremitu, satoreq; tetra
Tartareis animam deuotam reddidit umbris.

Nimirum fors hac tibi sancta Ecclesia cecidit
Semper, vt innumeris arumnis pressa potentum
Imperijs latites, cuius exposita periclo,
Agmina ceu tener infans inter dira luporum.

Mirariq; adeò subeat, radicibus illa
Immota rupis cum sit fundata, furentes
Qua Boreas, tumidos & despicit æquoris aestus,
Quod tamen assidua sic mobilitate feratur,

Nec loca certa habeat, nec tempore floreat omni.
Fingamus nobis muris subitus arcem
Firmatam, dextra qua numini æthere ab alta
Diuini, tenui libretur in aere filo,
Hac ut munita saxis nil firmius esse,
Sic nil mobilius, magis & mutabile dices.
Non hac dissimilis species est Ecclesia Christi.

Ac varia veluti facie micat aurea Phæbe,
Iam solem contra exurgit, plenog, coruscant
Orbe comam, & rutilo totum caput explicat auro,
Iam minor, obliquos vultus, turgentiaq, ora
Nocte refert, media est iam, iam sua cornua proferit,
Iam cælo ignavis planè excessisse videtur,
Cum tamen admoti spectat quæ lumina solis,
Splendescat, plenog, supernè fulgeat orbe.
Hæc fortuna manet cæcum, quem concio verbi
Colligit, atq, habet heredem cæli aula beatum,
Pressus ubi misera cruce, dura & mole laborum,
Cade Tyrannorum consumtus creditur, inter
Continuos fluctus tempestatesq, frementes,
Confixus CHRISTO Domino, caput aliud effert.
Quog, magis premitur, stygiæ ducis artibus & vi,
Palma instar tanto magis altas surgit in auras.
Sic & in aquoreis qui nascitur unio conchus,
Excepto his superè qui labitur aere roris
Humore, ocellis clausis, ubi littora iuxta
Ingens exoritur turbo, fluctuq, tumescit
Unda ferex, conchas medium quat rapit in aquor
Præcipientes, tali solio præstantior ortu
Ille sit, ut gemmas vincat quæ, cunct, nitore.

Non igitur misero rerum discrimine quisquam
De diuino animum verbo despondeat, ille
Qui nutu frenare potest hostilia victor
Agmina, qui magna toties virtute repressis
Vertice rebantur qui se contingere cælos:
Non rabido prada Dominus sinet ore petita
Esse suos, ipsi confisos pectore toto,
Desertos nec eos malefido linquet in orbe.
Spargere non cessent lita dogmata falsa venenis
Hæretici, spirentq; nihil nisi saua Tyranni
Fulmina, stellanti residens est maior Olympo,
Et spectans oculis terris quacunq; gerantur.
Ad latum potis is res omnes ducere finem.
Sanè quando Dei tangit misratio mentem,
Religionis opus, doctasq; instaurat ut artes
Excitat, & celso virtutum robore munit,
Magnorum pia corda Ducum, quibus unica cura
Religionis honos, & magni gloria CHRISTI.
His illustratus diuina luce, secundos
Largitur rerum successus, cordaq; flectis
Subiecti populi, faciles ut prabeat aures,
Et studio prompto amplectatur verba docentum.

Non repetam veterum, nulli non cognita regum
Facta, quibus totum nomen peperere per orbem,
Dum magnis animis diuini dogmata verbi
Illustrata volunt, è templis numina ficta
Dum remouent, veriq; Dei quod pugnat honori.
Maxima bella gerunt, ad eundo pericula vite
Plurima, notitia postponunt omnia CHRISTI:
Ad propiora vocat angustia nos brevis hora.

Cum Deus immensa nostri bonitate misertus,
Cimmerijs velut è tenebris & carcere tristi

Præsulis

Praesulis Ausonii, Germanis vellet in oris
 Saluiscamq; fidem, & CHRISTI producere verbum:
 Horum primus erat FRIDERICVS nobile lumen
 Terrarum, sapiens dux, illustrissimus Heros,
 Quo magno magnus Duce prodijt ille LVTHERVS,
 Elia mentem similis, Zelumq; flagrantem,
 Ausus se primus Papali opponere monstro,
 Huic comes additus est, doctrina munere praestans
 Eximia, & placida diuinus mente MELANCHTHON.
 His creuere bona passim ductoribus artes,
 His etiam calo caput extulit aurea, qua nunc
 Religio totum sincera perambulat orbem.
 Hoc sancto, frater fuit alter Saxo secutus
 IOHANNES, summa pietate nomine clarus,
 Casare qui coram Imperij totoq; senatu,
 Non veritus CHRISTVM fido fuit ore sateri,
 Hostili multu frustra freudentibus ira.
 Nec Princeps te IOHANNES FRIDERICE tacebo,
 Pectore magnanimo cui vix similem vlla tulerunt
 Tempora, qui pietate ardens vel fundere vitam,
 Et sortem cara pro religione cruorem
 Promptus eras, mortemq; Dei pro laude pacisci.
 Marte potens noster quid non & praestitit Heros
 MAVRICIVS? qua templa pius ratione, scholasq;
 Non exornauit? quibus unquam sumtibus ille,
 Vt sacra florerent nostra inuiolata, pepercit?
 Sed mors qua nihile esse diu sinit inuida magnum,
 Pro cara patria pugnantem vulnere ademit,
 Vix ostendissent cum fata immitia terris.
 Vtterius ne loquar? maesto quid lumina vultu
 Deijctus? tacitusq; delor praecordia pulsas?
 Quid sibi ducta voluit imo suspiria corde?

*Nempe recensemus veterum dum nomina clara
Magnatum, quondam pietate armisq; potentam,
Pace gubernarunt has qui feliciter oras:
Ad magnam venit AVGVSTVM nunc ordo, parenti
Cui patria tristi fatorum numine rapto,
Ante dies ipsa hac bisse nos ade dolendus
Exequias tylinus, supremi munus honoris.
Hoc casu, dolor est quo corde recentior, urit
Hoc magis improbus, impatiensq; per ossa recurrens,
Assiduo cogit tabescere lumina fletu,
Ceu madet vda salix, aut vitis vere tepenti,
Humor ab inciso dum largus palmite manat.
Nil profunt, inquis, lacrimae, renocare nec umbram
Defuncti possunt, & nostro reddere mundo?
Nil profunt, fateor, non ad nos ille redibit,
Sis fletus licet incassum, tamen ille dolorem
Egerit, & cor qualiacumq; leuamina sentit.*

*Ergo erat ut tandem post tot clarissima facta,
Exhaustas post tot noctesq; diesq; labores,
Impensas tibi post operas GERMANIA tantas,
AVGVSTVS, verè Augusto sanctissimus Heros
Nomine, qua fruimur vitali luce relicta,
Cederet è terris ad clari sidera cæli.
Hic luctus nobis desideriumq; relinquens?
Hei nihil humanis fas quencquam fidere rebus.
Quid gentis decus eximia, splendorq; parentum,
Quid pietas, quid cana fides, prudentia, candor,
Iustitia quid & ardor, & indefessa voluntas
Ornandi ratione omni, patriamq; tuendi,
Profuit? insida quæ mors metis omnia falce,
Hoc decus exangues nostrum demersit ad umbras,
Hic pietatis honos? sunt hæc tua pramia virtus?*

Te viuo,

Te vino, ò AUGUSTA, quibus vita indiget usum,
Larga fuit nobis cunctarum copia rerum,
Pax urbes coluit, coluit pax arua, domosq;
Nil aduersari cuiq;, te sospite, visum.
Ac velut arx triplici cum fossis aggere cineta
Præruptis, alta quam firmant undiq; moles,
Et victu multo est, armis instructaq; multis,
Militis haud timet incursum & tela ferocis:
Sic nos in tuta cineti quasi manibus arce
Viximus, expertes belli Martisq;, cruenti,
Officij propria quouis statione manente.
Quando diem claro produxit in aethere Titan
Lumine, sub tectis promiscua turba quiescit,
Sucta sibi manibus victum solitoq; labore
Quarere, quo valeat paruos educere natos,
Consuetas operas sine sollicitudine fecit.
Inde ubi sol alto micuit sublimior orbe,
Ac cubuit positis mensis, epulisq;, paratis
Coniuge cum cara se filioisq; refecit,
Terribili sonitu non impediante tubarum.
Nox, abeunte die, quando nigrantibus alis
Incubuit terris, & fessa labore diurno
Corpora, iusserunt tenebra mulcere sopore,
Membra toro posuit solito porrecta quiescit,
Sollicitus nihil, occiduis quid iberus in oris,
INDVS quidne niger faciat, qua bella gerantur
Effera, qua miseris viduentur cladibus urbes.
Agricolis curuo terram proscindere aratro
Coniunctis, solitus redijt labor actus in orbem:
Pingua cuncta fimo certis saturare diebus,
Lanigeras septis pecudes includere, fruges
Demetere, & rigus plantaria figere in hortis.

Albiaco

*Albiaco ratibus volitantes flumine nauta,
Arctos tunc merces vexere per urbes,
Aut ubi diverso positus sub culmine cæli,
Acer arat Regni cultissima rura BOHEMV3.
Floruit his nostris, CHRISTO duce & auspice, terris,
Sancta fide proficiens Ecclesia dogmata vera
Religionis, & aduersa quacumq; repugnant
Fronte, salutiferi concidens fulmine verbi.
Prætera, si quid sceleris vaga turba patraret,
Quo conturbari consortia publica possent,
Hic Princeps sibi concessis à numine sancto
Edictis, iusto curauit & ense recidi.*

*Hoc pro diuino tibi munero, maxime, tantis
Pro meritis, dignas AVGVSTE rependere grates,
Non opis est nostra, succumbunt pondere vires,
Et vis ingenij dudum iam pressa laborat.
Quod solum datur, & pietas quod recta requirit,
Nominis immemores cælum hoc, laudumq; tuarum
Nos nunquam (vita sit sors quacumq;) videbit,
AVGVSTI semper nomen tollemus ad astra.
Ac veluti propria carum qui morte parentem
Filius amisit, ducens suspiria ab imo
Pectore, sæpe oculos ad nota cubilia vertit,
Et loca quæ crebrò genitor lustrare solebat,
Infixum retinens animo vultumq; habitumq;
Defuncti hac desiderium ratione leuando:
Sic nos te soliti tanquam observare parentem
AVGVSTE, augustam faciem non amplius illam
Cum contemplari detur, quod possumus unum,
Semper inoblitis animis, & amore flagranti,
Te redeunte dic, te decedente feremus.
Ite pia Musa (Ver appetis) ite frequentes,*

Ferte

Ferte sinu violas, primi munuscula verus,
Ferte rosas post, & candentia lilia, ferte
Narcissū, comam cum purpureis hyacinthū,
Texite odoratas vario de flore coronas,
His saltem ut donis ornatum diuite cultu,
AUGUSTI à nobis decoretur nobile bustum.

Non prosunt fletus, non, si qua praterit arcem
Vndas PLISNA daret: Tandem requiescere luctus,
Sollicitos par est & cedere mente dolores.
AUGUSTVM terris postquam fera fata tulerunt,
Spes nobis (supero sit gratia magna parenti)
Altera se ostentat quamvis faustissima spondens.
CHRISTIANVM Heroum generoso stemmate natam
Heroam sobolem, decus alta nobile gentis,
In cari voluere patris succedere honorum
Fata benigna locum, patriaq; capeffere habenas.
Huius in egregio florente virente iuuenta,
Elucet species animi pulcherrima vultu,
Virtutumq; chorus toto se corpore prodis.
Illustris pietas est, & reuerentia diuum,
Impetus ad ius est animi praeclarus & aquum,
Est amor in patriam, cui nullo deerit vnquam
Tempore, non ullos dubitabit adire labores,
Tuta sit ut passim sit patria saluag; tellus.
Hoc Duce (nec dubito) felicia multa sequentur:
Florebunt artes, florebut templā scholag;
Vrbibus acquireret res cunctis publica vires,
Inq; suo regio subiecta manebit honore.

Tu modo magne Deus, qui solus regna gubernas,
Qui pater es noster, vis & pater ipse vocari,
Tu modo res vultu clementi respice nostras.
Non nostra meminisse velis rex maxime noxa.

Errores nostros agnoscimus, atq. fatemur
Nos penas meritos, Tu crimina nostra remitte,
Propitius, dextraq. ducem defende potenti
CHRISTIANVM in quo nunc terra huius cura recūbit.
Alucolos nostros & primi examina veris,
Mella tui fingent qua post dulcissima verbi
Seruato: tutosq. benigno numine prasta
De te pendentes soli tibi fidere suetos.
Tu custos vigil atq. tui sis pastor ouilis.
Vim frange hostilem & meditantes bella Tyrannos.
Vocem Euangelij puram, quam nulla profanet
Vana superstitio longos tueare per annos,
Participesq. sinas omnes nos esse salutis,
Restituit fuso quam nobis sanguine CHRISTVS,
Cum quo viuus & aeterno cum flamine regnas
Omnipotens Deus & clemens, cui gloria soli,
Soli Maiestas & honor debetur in auum.

D I X I.

Θεῷ μόνῳ δόξα.

25

RECTOR ACADE- MIAE LIPSIENSIS.

PLVtarchus monumenta rerum,
à Græca Romanaq; vetustate
gestarum, eleganti pertextens sty-
lo, de rege Numa Pompilio,
hæc refert verba, quæ ex Græco
sic interpretando redduntur. Iu-
stitia & modestia regis Numæ
Pompilij, non solum populus Romanus, ad mansue-
tudinem pacisq; amorem commotus est: verum eti-
am in vicinas vrbes, ab eodem rege, quasi salubri au-
ra deferente, influxit desiderium tranquillè viuendi,
Numenq; colendi diuinum, cum neq; bellum, neq;
seditio, neq; tumultus Numa rege in Republica fue-
rit. Quæ vniuersa & singula (liceat verò Ethnica
conferre nostris) si de vllò horum temporum Heroe,
verè ac cõuenienter dici possunt: certè vt meritæ lau-
dis præconium, honorifica assertione referuntur, de
Illustrissimo Principe ac Domino AVGV-
STO SAXONIAE ELECTORE, &c. memoriæ feli-
cis & beatae. Admiranda etenim fuit, in hoc, de Illustris-
simæ Saxoniae domo progenie orisdo Heroe, præstā-
tis naturæ industria, ingenij vis excellens, iudicij cir-
cumspēcta prudensq; acrimonia, ad iusticiæ æquita-
tisq; normam comparata, morum cum significatio-
ne clementiæ peculiaris cõiuncta gravitas obseruan-
da, consiliorum, & in expediendis negotijs succes-
sum optata prosperitas, & denique omnium virtu-
tum splendor insignis, adeò quidem, vt si omnia,

quæ dignam mererentur prædicationem, commemorando pertexere conaremur, tempus verbaq; citius, quàm rei ipsius amplitudò, nos deficeret. Hæc autem præstantis naturæ dona, cum omnium virtutum suauissima harmonia & conuenientia, ad hunc vnicum scopum rectis plane studijs contenderunt ac veluti collimârunt. Nempe ad intemeratam sanctæ religionis puritatem retinendam, conseruâdamq; pacem & tranquillitatem publicam. In hoc igitur viuum omnium virtutum exemplar, tanquam in speculum, intuentes non solum subditi, omnem vitæ suæ rationem, ad studium pietatis tranquillitatisq; publicæ composuerunt, conformâruntq; : Verùm etiam reliqui principes, regiones, vrbesq; vicinæ, in Illustrissimum hoc exemplar oculos dirigentes, concitati sunt ad parem religionis pacisq; publicæ curam, imitando exprimendam, & conseruandam fideliter. Vnde factum est, vt quod de Numa rege refert Plutarchus, nos de ELECTORE AVGVSTO, recordationis felicis, verè indubitateq; asserere possimus : Sub huius nimirum Clementissima Reipub. administratione, ad annos triginta duos, neque tumultum, neque seditionem, neque bellum denique vllum, periculose fuisse commotum, susceptum, multo minus gestum confectumq; exitiosum. Verùm cum huius paternæ industriæ, pietatis, iusticiæ ac moderationis laudatissimæ, viua adhuc superstes sit imago & exemplum illustre : Nempe Celsitudinis eius filius Illustrissi. Dominus CHRISTIANVS, SAXONIAE ELECTOR, &c. Dominus noster Clementissimus : habemus profectò vnde non tantum sperare, sed indubitata assertione statuere possimus, antiquum
hoc

hoc, & paterna industria confirmatum, sanctæ religionis tranquillitatisq; publicæ studium, tam ad subditos huius ditionis, quàm apud confœderatos principes, regiones, vrbesq; vicinas, immotum, firmum ac constans conseruatum retentumq; iri fideliter. Idque vt misericordis clementiæ Deus benignè conseruet, tueatur & prouehat, ardentibus intimo expectore votis, religiose precamur. Quemadmodum autem regi Numæ, pro religionis tuendæ cura, paceq; constituta, populus Romanus post obitum, maximum honorem habuit, funeris exequias magnifico ritu Ethnico cohonestando, vtpote lugubrem hanc pompâ prolixè refert Plutarchus, idq; in hunc finem factum fuisse tradit, vt populus ex honorifica sepultura ostenderet, vitæ regis defuncti desiderium: Ita certè, & quidem multo magis nos, quibus lux veritatis cœlestis effulsit, decet ac conuenit, erga Illustrissimum ELECTOREM AVGVSTVM, pro statu Reipublicæ, tam religionis vero cultu, quàm tranquillitatis publicæ neruis validissimis munito confirmatoq;, grati animi significationem subiectissimo declarare studio. Nempe Celsitudinis huius obitum felicissimum, sincero pietatis affectu, nec non modestia & continentia vitæ inculpatæ lugendo, significandoq; hac lugubri lamentatione, nostrum quoq; mortui Electoris vitæ candidum ardensq; desiderium. Ad quam tristis serijsq; luctus significationem, eò studiosius & submissius declarandam, incitare nos debet, Illustrissimi Saxonix ELECTORIS DOMINI CHRISTIANI, &c. Domini nostri clementissimi, hisce diebus clementissimo ad nos transmissio rescripto, paternè insinuata commonestatio, qua

nobis iniungitur, vt vniuersis & singulis iurisdictioni nostræ suppositis, peculiariter edicamus, vt in hoc cōmunis luctus squalore, & periculoso temporū statu, decora, moderatāq; vitæ morūq; conformatione declarent, se hac publici luctus acerbitate, intimi cordis perturbatione, grauiter quoq; affici moueriq;. Quocirca licet nō dubitemus, quemlibet qui modò non in diem viuit, sed huiusmodi tristes casus, altiori mētis indagine perpēdit, suo officio spontè hætenus satisfecisse: Tamen rescripto Electorali, debita subiectissimaque obedientia morem gerendo, volumus, hortamur atq; edicimus mandātes, vt omnes & singuli iurisdictioni nostræ subiecti, in posterum quoq; veste incedāt lugubri, & mœroris publici significationem præ se ferente. Vtque vitam agant piam, placidam ac modestam, qualem ordinis nostri decus requirit & postulat, abstinendo nimirum ab omnibus helluationibus indecoris, discursitationibus furiosis, vociferationibus nocturnis, & ab omni tandem insanientis ferociæ petulantia, Præterea vt precibus suis talia quoque religioso ex pectore adiungant vota, quò nempe interminatæ misericordiæ Deus hunc Reipublicæ nostræ statum, diutius tranquillum pacatumque benignè conseruet, clementerque auertat vniuersa pericula, quæ vel ex Diaboli insidiosa fraudulentia nobis intenduntur, vel etiam ab eiusdem socijs & asseclis nobis struuntur subdolè & malitiosè. Ac denique vt misericors Deus regat gubernetq; Spiritus sancti sui ope & auxilio, Illustrissimi ELECTORIS SAXONIAE DOMINI CHRISTIANI, &c. patroni nostri vnici ac clementissimi, consilia, conatus atque actiones vniuersas, quò Celsitudinis

dinis ipsius gubernatio Electoralis, fructuosis felicibusque incipiat auspicijs, & longo diuturnoque tempore durans, multo felicioribus procedat, vergatque, ad nominis diuini gloriam, Ecclesiæ & Reipub. tranquillitatem, nec non vniuscuiusque pro uocationis ratione commoditatem fructuosam. Hoc etenim pio, modesto laudabilique vitæ instituto, erga mortuum Electorem AVGVSTVM, ob Celsitudinis suæ clementissimam in hanc scholâ munificentiam, grati animi debitam subiectissimamque memoriam declarabimus: Illustrissimo verò Electori nostro CHRISTIANO, &c. qui iam totius patriæ nostræ decus est, & Dominus clementissimus, probabimus submissam obseruantiae & obedientiae decentis curam, nec non denique nostro satisfaciemus officio laudabiliter. Sin verò præter spem de vniuersis conceptam, quis de nostris, vesana quadam incogitantia, aliter se, quàm modo dictum est, gesserit: is sciat se non tantum poenam neglecti mandati daturum grauissimam, verùm etiam Illustrissimi Electoris animaduersionē haud facile effugiturum.

Prop. die 6. Martij, anno

M. D. LXXXVI.

In luctuosissimum
Obitum

ILLVSTRISSIMI
ET POTENTISSIMI PRIN-
CIPIS AC DOMINI, DOMINI
A V G V S T I,

DVCISSAXONIAE, &c. CREANDIS-
que Imperatoribus Septemviri, ingenti om-
nium ordinum luctu defuncti die 11.
Feb. Dresdæ.



*OSIAM si gens Israëlitica luxit,
Occidit in cāpis quando MEGIDDO tuis:
Planxit IEREMIAS lacrimis & plenus a-
Hoc obitu patria vulnera facta sue: (maris
Nos non A V G V S T V M deploraremus ademtum,
Omnia quo viuo salua fuere, Ducem?
Rex erat ille pius, cui cordi iuris & aequi,
Atq; illibata religionis honos.
Non noster minor Elector clarissimus! Heros,
Exemplo rexit Iustitiæq; suos.
Lugeat Imperij Maiestas inclita, cuius,
Dum vixit, solus firma columna fuit.
Mirati quem sunt & suspexere, quot usquam
Cum magnis proceres regibus orbis habet.
Lugeat amisso Germania Principe tanto,
Virtutum donus vix habitura parem.*

Lugeat

Lugeat hoc decus eximium sibi, su necre raptum,
Saxonia Heroa stirps generosa domus.
Qui verò noster qui luctus convenit esse,
Qui fuimus tanto subdita turba Duci?
Cuius & aspectu vivientis numinis instar
Conspicui licuit tempore quoq; frui.
Heu res humanas miseras, heu flebilis ordo
Fatorum, variat fors ita numné vices?
Hac ne novi, latius qui currere debuit, anni
Auspicia? Hac verbis omina facta bonis?
Quas nobis animis miseris spes finximus, ingens
Hac interruptit morte fugatq; dolor.
Sperata pro latitia creberrima gutta
Ex oculis veluti fonte perenne fluit.
Dicite, qui cæli faciem spectare soletis,
Acri & dubias sortè notare vices:
Mensibus elapsis solito num fulserit orbe,
Sol volucres lucis qui regit autor equos?
An non obscura textit ferrugine frontem,
Nube vaga radios impediante poli?
Ille index paribus distinguens partibus horas,
Visus nescio quid triste sonare fuit.
Sape leuans oculos ad magni lumina solis,
Dum quod prælagit mens tremebunda ma-
Non frustra, dixi, calat sua lumina Titan, (lum:
Nec toties surgit turbidus axe dies.
Esse quid ah vereor tacitus quid lugeat ather,
O nostris terris parcite fata precor.
Tug, ô qui nutu moderaris cuncta potenti,
Res clemens nostras aspice magne Deus.
Cura magistratus tua sint, hos numine dextro
Longauios præstes incolumesq; diu.

H

Hac

*Hac ego sollicitis frustra dum fundo querelis,
Et mens ambiguo pressa timore stupet :
Nuncius affertur nostra tristissimus urbi,
AUGUSTUM terris fata tulisse Ducem.
Quid dicam ? praeceps visus ruere aethere Phœbus,
Inuolui tenebris clarus & ipse dies.
Qui gemitus hominum, quæ comploratio facta est,
Qui consternato pallor in ore fuit ?
Eheu res miseras, eheu lacrimabile fatum,
Mundi delicias abstulit una dies.
Quæ poterunt posthac nos delectare, quid usquam
Iucundum nobis, dulce quid esse potest ?
Nec satis hoc, tacitis mens carpitur anxia curis,
Hoc casu quid si nos grauiora manent ?
Ita unâ cuncti, sacras voluamur ad aras,
Prensemusq; pia Numina lasa prece.
Non dubium, exarsit mens omnipotentis in iram,
Supplicia & iudex iustus acerba petit :
Ite pijs animis, inhibebit fortè flagellum,
Nos animaduertens pœnituisse Deus.
Ad pœnam lentus facile obliuiscitur ira,
Immissum clemens lenit & ille malum.
Tu parata felix AUGUSTE salute quiescis,
Non angor vitam nec labor ullus habet.
Inuisis linguis mæsto nos funere terris,
Vnica quas tutas reddere cura fuit.
Ante tuum pietas procumbit prona feretrum,
Religioq; sacras dilaniata comas.
Iustitia his comes est, fletu perfusa tepenti,
Atq; gerens palmam pax gemebunda manu.
Virtutes sed Magne tuas AUGUSTE Camæna
Per terras posthac & freta lata ferent.*

Nunc

*Nunc luctus vocem includit, nec plura dolore
Viſta, dat ingenio Muſa vocata meo.
Viue beatorum permiſſe Heroibus, ætas
Virtutes poſerit demere nulla tuas.*

M. Iohannes Albinus.

E L E G I A.



*T pater AVGVSTV patria, tellure reliſta,
Scandit in æthereâ, te duce Chriſte, domñ.
Ereptumq; ſuis oculis Germania fidum
Irato ſenſu numine preſſa Ducem:
Protinus ex omni fugerunt gaudia parte,
Et præter lacrymas reſtat in orbe nihil.
Lata prius, nunc maſta iacet, turbataq; tanto
Funere Saxonici Principis aula ſilet.
Flebilis Aſcanio deſanguine Nympħa ſub umbris,
Turtur ut amiſſo compare, triſte gemit.
CHRISTIANVS, patria dulcis pietatis imago,
Ecce rigat largus ſletibus ipſe genas.
Flere iubet pietas hoſtem quoq; funera Saulis
Ieſides querula fleuit acerba lyra.
Aſpice Saxonica deſtirpe graviſſimus Heros
Patris ut in cari funere maſtus eat.
Velo mite caput lugens obducitur atro,
Veſtis & in longos deſluit atra pedes.
O quoties, animum Patris morientis imago
Dum ſubit, ex oculis lucida gutta cadit.
Sic gemuit, ſic amplexus me, maſta ſuprema
Signa voluntatis non moritura dedit.
Sic tenerum primis docuit me fidus ab annis,
Et varias artes, & ſacra verba Dei.*

*Fessus ut Imperij quondam mihi traderet enssem,
 Et sua felici sceptrā tenenda manu.
 Nunc iacet, & magnū mihi soli morse relinquit,
 Ferre quod ambotus grande fuisse, onus.
 Inuida mors, adeone pijs conatibus obsis?
 Quantum erat, ah paucos abstinuisse dies?
 Nunc scio, quā grave sit, fragili cōfidere vita,
 Principibus nescit parcere Parca viris.
 Multos Isacidum peperit domus inclita reges,
 Multos irrigua Nilus amānus aqua.
 Si quaras, ubi sint: mors frigida sustulit omnes,
 Et rigidas vinctis intulit atra manus.
 Nos quoq; decidimus: de celsis arcibus olim
 Traxit mors atanos in cava busta meos.
 Fata pia nuper dessevimus ultima Matris,
 Illa licet magni filia regis erat.
 Te quoq; nunc **AVGVSTVS** pater lugemus ademtum,
 Profuit illustris nec tibi stemma domus.
 Vanus amor mundi est: fastus depone superbos,
 Qui sapias, & cauto pectore disce mori.
 Sic Heros: caro tum marent Principerapto
 Reges, atq; tui Teutonīs ora Duces.
 Imperij procures ipso cum Casare lugent,
 Felix Imperij dextera nempe iacet.
 Caesaribus fidum qua portans quatuor enssem,
 Cognita difficili tempore saepe fuit.
 Ipse suos Caesar natos **MAXAEMILIANVS**
AVGVSTVM patris iussit habere loco.
 Iussit, & expirans auras, tibi maxime Princeps
 Iudicio laudem non simulante dedit.
 Ecce, Columna quem Marchia stirpe creatum
 Inter habet septem nunc generosa viros,*

IOHANNES animo suprema GEORGIVS agro
 Suspirat Pyladis fata doletq; sui.
 Non ita Pirithoum Theseus constanter amavit,
 Non ita mens ullis fratribus una fuit.
 Quid tamen illa fides, & olore nitentior albo
 Candor, quid frustra pectora iuncta iuuant?
 Num minus, eripuit defunctum tempora lucis,
 AVGVSTVM terris hora suprema ducem?
 Tu columen nunc forte mane, Dux orte Colūnis:
 Altera dum patria fracta columna iacet.
 Felices populi, fortunatissima nuper
 Vltima, quæ talem secula tulere Ducem.
 At nunc ut capiti iucundum lumen ademptū est,
 Ingenti trepidant subdita membra metu.
 Luget Saxonia, luget Misneidos ora,
 Et modo Tyrigetum fertilis aret ager.
 Mutatis plangunt tremebunda vestibus vrbes,
 Longaq; pro ferto pepla virente gerunt.
 Muta sub attonitis laquearibus organa pendens,
 Nec dulces aura dant subeunte sonos.
 Pro bene composito lati modulamine cantus,
 Morte ducis sancti, flebile templa canunt.
 Et merito, quis enim pater usquam mitior illo?
 Quis culta maior religione fuit?
 Mulcebat cupidas AVGVSTI Principis aures,
 Quæ docet ad superos, pagina sacra, viam.
 Inde Deo fidens, & CHRISTI sanguine purus,
 Christiadam larga commoda iuvit ope.
 Biblia testantur, varijs dace Principe linguis
 Sapius & pulcris edita pura typis.
 Testantur magno studio magniq; profusus
 Sumptibus in Christi templa retenta fide.

*Affidue cavit, ne vastaretur ab ullis
Vulpibus, aut rapidis vinea sacra lupis.
Et studuit, cunctis ut dulcia nomina Christi
Concordi possent religione coli.
Ipsaq; posteritas ut eodem munere felix
Serviret soli tempus in omne DEO :
Hospitium Musis geminum concessit ad undas
Albis, & ad ripas Sala vadose tuas.
Moladq; flavescentes labens ubi torquet arenas,
Quiq; tuam Philyre lambis Elister humum.
Illic ingenuas immensis suntibus artes
Curavit, sancta cum pietate, coli.
Quas AUGUSTE tuis referam mitissime grates
Manibus ? aut tantis premia digna bonis ?
Ipse tuos etenim minimus licet inter alumnos,
Munera te studiis apta volente tuli.
Quodq; meum primis animum formavit ab annis
Dresseris culta sedulus arte, tuum est.
Tu studiis AUGUSTE meis incunda fuisti
Aura, sequi Musas te Duce dulce fuit.
Illarum cultis & fingere carmen in hortis,
Quos liquida currens irrigat Aibis aqua.
Et nisi iam, patria dum publica damna dolemus,
Obstarent votis aspera fata meis :
Te Duce Plisina per amanas carmina ripas
Forsan odorato dulcia vere darem.
Nunc tu nostra tua fregisti gaudia morte,
Lata nec, ut quondam, tempora veris eunt.
Vos mecum tristes Elegi, mea Musa, dolete,
Hei mihi qui Princeps vos quog; iuvit, ubi est ?
Sed dolor hic meus est : utinam non cogeret idem
Vulnera nunc etiam publica flere dolor.*

Ecquis

Ecquis enim media nescit de plebe ? pium quàm
Et placidum abstulerint ultima fata Ducem.
Quàm benè regnaris florentes ille per urbes,
Omnia constituens legibus aqua bonis.
Quàm benè subiectos populos patriamq; bearis,
Mitis, & augusta pace serenus humum.
Nunc iacet infelix, orbataq; Principe tanto
Luget, & in pulla patria veste sedet.
Qualiter Isacidem sua deploravit ademtum
Posteritas, omni triste sonante loco.
Talis erat luctus, cum laesus vulnere pressit
Ezechia pronepos sanguinolentus humum.
Iosiam Solyme Iudaea, tota peremtum,
Iosiam vates luxit & ipse suum.
Carmina deduxit lugubria femina virg,
Posteritasq; memor triste revolvit opus.
Nos eadem quoq; fata premunt, sanctissimus Heras
Teutonia, fato dum superante, cadit.
Augustumq; caput, modò vertice sidera tangens
Arbor, in hoc humili nunc iaces ecce solo.
Diffugiunt trepida volucres, quibus illa per aëstem
Vtilis, umbras praebebat alta comas.
Præbebat & dulces nidos, & frondibus escam,
Cumq; gravi gelidas depulit imbre nives.
Arboris exequias umbris olor albus ad Albim,
Præcinctus Ruta colla virente, canit.
Ipse pater vatū tilia suspendit in alta
Et cytharas mutas, & sine voce lyram.
Attonitusq; diu, tandem, procul ite, quid ultra
Restat ? ait, cythara Misenidos ite procul.
Venit acerba dies, Germania rampe capillos,
Aversus secum gaudia cuncta tulit.

Horrida

Horrida quin etiam restare pericula terris,
Signa monent diris prodigiosa minis.
Signa dedit cælum, ventisq; furentibus aër,
Effusa ripis signa dedistis aquae.
Iam video strictos enses, fremit arma, furentem
Quae colit Ausonium turba proterua lupam.
Nec prius absistent furiae, quam pingue piorum
Sanguine conspiciant luxuriare solum.
Forſan et ad doctas, quod aböinor, Albidos undas
Martia pro cytharis classica pulsa fremant.
Crudeliq; fluet de cade cruentus Elister,
Hei mihi Pierias non habiturus aquas.
Sic igitur patriam medijs Auguſte relinquis
Fluctibus? ò terris dulce piumq; caput.
Sic ait: AVGVSTOq; ferens Aſtraa bilanci
Et gladium verſa cuspide, iuſta facit.
Pax quoq;, dum maſtum circumvolat alma pheretrum,
Frigida decerpens oſcula, plangit humum.
Se deſolatam vocitans, ſe flebilis orbam
Praſide, ſub terras quem velit ipſa ſequi.
Iamq; ſonat tellus ſimul & plangoribus ather,
Saxonidos luëtum nec capit ora ſuum.
Cum qua ſola malis ſtat inexpugnabilis, & nunc
CHRISTIANVM Pietas excubat ante Ducẽ.
Parcite, cur nimium luëtus extenditis? inquit:
Flere licet, luëtus debet habere modum.
Parcite non abiit ſtygias AVGVSTVS ad undas,
Non illi Phlegeton ingrediendus erit.
Sed quoniam merito CHRISTI conſidere novit,
Ipſa Ducem raptum duxit in aſtra fides.
Illic antiquis Heroibus additus Heros,
Percipit in Chriſti gaudia vera ſinu.

Proſpinus

Protinus applaudit venienti regia coniunx,

HENRICVS sçq; pia cum genitrice Pater.
Hic & avos atavosq; videt, securaq; carpit

Ocia, quæ nunquam tristior aura fugat.

Felix morte sua, non horrida fata timebit,

Durius his terris impositura iugum.

Sic quondam Lothus, Sodomea gente relicta,

Non est sulphurco factus ab igne cinis.

Et prius aspexit Sanctorum funera Patrum,

Quam perijt pluuijs naufragus orbis aquis.

Vos similis ne pœna premat, nunc conscia culpa

Pectora, non vestes, scindite, quisquis ades.

Itc, preces adhibete DEO, veniamq; rogate:

Supplicibus veniam non negat ille reis.

Avertet pœnas, & nubibus irrita sparget,

Quæ nunc incutiunt, tristia fata, minas.

Ensifer AVGVSTI per latas Filius urbes

Ibit in aurato conspiciendus equo.

Accipientq; Ducem gratantes undiq; cives,

Iusta Deo dantes munera, iusta Duci.

His dictis erecti animi, confessaq; culpam,

Parce DEVS miseris, vox sonat una, reis,

Parce tuis, ô parce tuus, pater optime, natis,

Cum pura maneant Relligione quies.

CHRISTIANVM tu CHRISTE Ducem Dux alme gu-

Floreat aternis Ruta beata comis. berna,

CHRISTIANO dulcis succrescat et inclita proles,

Solamen mæsta dulce futura domus.

Haftenus hac: AVGVSTA vale, sanctissime Princeps,

Æternum salve, perpetuumq; vale.

M. Daniel Clæpius Geitanus.

Nænia
 Plissinæ & Elitri
 EIVSDEM ILLVSTRIS-
 SIMI HEROIS AVGVSTI,
 ELECTORIS SAX. LVCTVOSISSI-
 mum obitum deplorans.



*Extremum hunc Plissina mihi concede dolorē.
 Principis AVGVSTI, quo nō se nomine maior
 EVVikindais Heroibus extulit Heros,
 Funera sunt deslenda: neget quis talia Patri?
 Sic, cum flauentem subterlabère polentam,
 Torganum superes fragante sapore liquorem.
 Incipe, Musa fauet, fauet exoratus Apollo.*

*Vt subita AVGVSTVM talami sub limine primo
 Fata subijse Ducem, Dresdensi rumor ab arce
 Extulit, & linguis hominum increbescere cepit:
 Extemplo turbati animi, stetit acer & auras
 Saxo graui incendit gemitu, rupère decoras
 Tyrigeta tunicas, plebs OSTerlandica nigris
 Seg, statimq, sacras inuoluit vestibus ades:
 Et nitidas diffusa comas per eburnea colla
 Alisnia cæsariem euulsit, lucemq, refugit,
 Famineoq, ululatu mugit atra per umbras.
 Quin ipsi Imperij Proceres, & disita longè
 Regna vicem dolière Ducis, voluentia secum
 Esse eadem subeunda olim iura horrida lethi.
 Quid memorem tiliasuè leues, teretesuè corymbos?
 Quid Mus? & passis ha passim inère capillis,
 Et nablis siluère, cauis & cornibus aris.*

Imprimis

*Imprimis PLISSINA, Ducis qui praterit arcem,
Hic ubi denexum prospectat Lipsia solem,
Ingemuit tanti spoliatus honore Parentis.
Ergo ubi muscosi progressus fornicis antro,
Vnanimem senior fratrem conuenit ELISTRVM:
Ipse caput tilia fultus, tremebundaq; saxo
Membra locans, largisq; humectans imbris ora,
Ad consternatum sic fari cepit amicum:*

*Frater, Elistra's frater genus amnibus unde est,
Proh dolor huc viuis perueni, ut fama doceret
AVGVSTI resonare meas fata aspera limphas:
Cui sociale sacrum renouanti, Naiades una
Sex denos sedecimq; AVGVSTI Caesaris annos
Opsabant, veteri quibus in statione maneret.
Ipse quidem memini dudum sub pumicis antro
Fingere te numeros, qui possent ire per aures
Pacifici Herois, quam primum Lipsidos urbem
Coniugis Ascania vultu vernante bearet:
Atq; hunc quadrupedante sono, plausuq; secundo
Vndiq; nobilium stiparet turba virorum.
Nunc spe frustrati, quoniam rapit omnia lethum,
His lacrimis grata testemur pignora mentis.
Ordinar ipse Ducis pietatem vs laudibus ornem.*

*Dicite vos terra tractus, tuq; omnia lustrans
Sol radijs, quem magnatum pietate priorem
Prospicis AVGVSTO? Vix nobis tempora dicant
Nestra parem, prisca ingrediar sacraria seclis,
Atq; Palestinas Regum lustrabo tiaras.
En autem reliquos, paucos tamen, eminent inter
IOSIAS, cui torta auro gemmisq; corona,
Fragrantes Domino nomen diffundit odores.
Hunc propter dira traiectum cuspide teli,*

Tristis adhuc iacet ante pedes Iudaea, senexq;
Jeremias mæret, tum flebile concinit omnis
Musica turba melos, Sion plangore resultat.
Nam Rex ille fuit, qui mox puerilibus annis
Aria maicrum fugit, sistensq; Davidis
Calle pedem, rursus sani mysteria verbi
Isacidum puris studiosè è fontibus hausit.
Nec mora, corda DEO plenus, molimine magno
Illicitos cultus, & numina vana deorum,
Perq; nigros lucos, & per violata priorum
Crimine fana patrum, ferro conuellit & igni.
Ipse sacerdoti magnum dans ferre talentum,
Sacras instaurare iubet velociter ades,
Et Iude tribubus sanctum proponere dogma.
Idem Mosæ:ca templo interiore repertum
Legis opus, repeti multis cum millibus audit,
Et vultus stans ante DEI sic ore profatur:
Tango aras ignesq; sacros, & fœdera firmo,
Nulla dies teclæ coget me rampere leges,
Seruabo ipse, mei seruabunt vndiq; ciues.
Hac prior Amonides, totoq; loquentis ab ore
Ardor it, ordo senum sequitur, moxq; ordo virorum
Tam dictus, paribus quàm Rege superscite factis.

Pandite nunc Patres, qui Lipsica in ade docetis,
An non IOSIAE noster fuit amulus Heros
Relligione? sonant ter templa: grauißimus Heros
Par fuit, & talem non fert Ecclesia terris.
Namq; probè tenuit fixum præcordibus imis
Dogma DEI, legemq; sibi vita esse putauit.

Altrius hæc repetam, sit fas audita referre,
Quæ reticere nefas: A V G V S T O cura parentum
Cor primam sacra præceptis imbuir artis.

Mox

*Mox & Anhaltina de stirpe GEORGIVS, idem
Dux magnus, Dux idem hominum Diuūq; sacerdos
Excoluit, tum Rex Danū de nomine CHRISTI
Nomen habens, exempla pla dedit vbera vita:
Vsq; adeò firmans solida pietatis amorem,
Vt quog; Regali susceptam sanguine prolem
Langeret, eiusdem & Casta virtutis alumnam.
Nec minus Elector factus permansit auita
Religionis amans, & sacra volumina legit
Assiduè, & magni imperterrita scripta LVTHERI.*

*En hac dote prius cum Dux instructus abiret,
Quos non deinde tulit pro religione labores?
Quo clandestinos ardore represeris astus
Dogmata dogmatibus sacris inimica sonantum:
Sequana cum Rhodano, cum flaua Tiberidis vnda
Audire Tagus, Balearis & ostia Iberi,
Quaq; & ab infusis perceperat amnibus Albis,
Et vitreis spectarat aquis, ea reddida fluctu
A Equorco magnum mare circumuoluere iussit.*

*Error ad Aibiacas sensim illatabilis oras
Proditus, incautas magis & magisibat in aures:
Quod Dux ante videns magnis mox cœtibus actis,
In medio stetit, & verbis sic cepit apertis:
Mystica turba, quid aggredere? quid mente volutas?
Quisquis es, errorum furtim qui semina spargis,
Fastum pone, DEI manifestis nitere verbis.
Cum cœnam Domini sacras epulamur ad aras;
Pane dato corpus CHRISTI, vinog; cruorem,
In cruce pro nobis effusum, sumimus ore.
CHRISTVS adest, quia adesse potest: vult, idq; professus
Est sapiens verbis: seruat, quia fallere nescit.
Ipse, recrudescat ne toto robore pestis,*

*Naturæ reprimam auctores, & prosequar æqua
Conuersos venia, sed non sanabile membrum
De mihi commissa ditionis corpore scindam.
Non mea res agitur, vos cali Numina testor,
Vna salus animæ, & CHRISTI mihi gloria cura est.*

*Nec saltem dedit ore sonos, sed & insuper illud
Testatum dextraq; sua, factusq; reliquit.
Nec prius abstinuit, quam pressa ambage maligna
Consensum erigeret confidentissimus Heros.*

*Id quoq; vulgatum est: CHRISTI implacabilis hostis
Stirps Iuda, stirps Iuda olim, nunc vix profuga eius
Quisquilia, cum Saxonis confidere vellent
Finibus: Osores CHRISTI ferrem? Ensisfer inquit,
Non sit tot possent auri argentiq; talenta
Fundere, quot globulos nix arctans frigidus ær
Spargit, ubi hibernos sol permeat aureus orbes.
Tantam Heros curam pro religione gerebat.*

*Terrarum procures, qui templa forumq; gubernant,
Non sibi sceptræ gerunt, sed Regi debita CHRISTO,
Hic summum regni caput est, Rectoribus orbis
Ad tempus vice frena sua committit, ut æquo
Iure, metuq; DEI mortalia secula frenent.
Id Dux AVGVSTVS reputans, tum Principe demum
Se pro felici fortunatoq; ferebat:*

*Quando suis opibus, vigilatorumq; laborum
Subsidio Domini florentia templa videret.
Vtq; hac augurijs res cepta fauentibus ire
Cresceret, & seros pariter duraret ad annos:
Ædes, quas CHRISTO Musisq; dicauerat Heros
MAVRICVS, nulli procerum virtute secundus,
Non modo seruauit, testes vos Albidos undas,
Teq; Salam Moldamq; voco, semperq; vocabo:*

Sed quoq;

Sed quoq; docta Lycea auxis, quaq; alluit urbem
Albis aqua iuuenis VVITIKINDI à nomine dictam:
Et nostras qua propter aquas plebs docta virorum
Omne datum sacrata trahit per dogmata tempus.
Hic numerum, CHRISTO qui seq; suosq; labores
Deuonis, magnis opibus duplicauit, ut illo
Nomine tantum alios inter caput efferat omnes,
Quantum terrenus studijs caelestia praestant.

Sed quoniam reliqua languente, Ecclesia languet,
Arte: nec ad duplicis praeclara volumina Turis,
Nec medicos discendum vsus, vel acuta Sophorum
Scripta habiles precijs incendere destitit annos.
Nec vates illo Duce paenituisse laboris
Parnassus didicit, insitq; ediscere lauros.

Hic non indictum linguam, quod robore toto
Connixus, foris atq; domi tam voce fideli
Sacra propagarit, quam fidis dogmata scriptis.
Nam quoties pulchra Diuûm clementia prole
Saxonicas ditaret opes, ante omnia vera
Doctrinam fidei sacris è fontibus haustam,
Excerptamq; Libro docili breuitate LVTHERI,
Instillabat uterq; Parens, moresq; regebat.
Nec dedignata est Pietas Patrius inclita Natus,
Rite Catechismi qui posset doctor haberi,
Et summam fidei comprehensam mente teneret.
Dux siquidem populi rerum caelestium inanis,
Non Dux, sed sibi crux, Patriaq; inamabilis est nox.
At qui vult alijs vita non futilis autor
Esse pia, cultusq; DEI: sese ipse suosq;
Exemplum primus statuât pietatis, & omnis
Subdita turba magis facilisq; volensq; sequetur.
His actis Patrie Dux ille salutaris ora

Templa

Templa per & ludos, & Phœbo sacra Lycei
Agmina doctrinam iussit resonare salutis :
Doctrinam, non quam fadi commenta Papatus
Inscerent, ratione hominum versuta probaret :
Sed quam fatidicos Reges, Sanctosq; Prophetas,
Orator magnus Patris, & bisseña virorum
Lumina, & ingentem mundi sub fine LUTHERVM,
Atq; MELANCHTHONIOS docuit vulgare libellos,
Cum studio & paribus conspirent mentibus equè.
Quis nescit, quanto diuina volumina sumtu,
Ceteraq; è libris cœlestibus cruta scripta
Imprimere, & seris transmittere iusserit annis ?

Hinc igitur sceptris grauidi, populisq; superbi,
Hinc exempla petant Proceres : sit maxima primo;
Religio, iusta sit pleinde scientia cura :
Artis egens Princeps nescit sua sceptrâ tueri.
Hoc stirps HENRICI, maiorum facta secuta,
Exemplo docuit, docuit quoq; Caesaris olim
Sermo Palatinum Comitem, sic arte magistra
Esse opus ad fasces, ut non effata senectus,
Non cura populi ingentes, nec blanda voluptas
Vlla moram faceret : Romani more Catonis
Cana Medusæis sua fontibus ora rigabat.

O grandis thesauri instar Dux cœlica sacro
Dogmata qui Zelo, & preciosas asseris artes.
O fortunata tali sub Principe gentes.

His dictis PLISSINA silet, lacrimaq; voluta
Ora per & vestes humectant omnia circum.
Atq; hic dum grandes voluentia flumina luctus
Stant spacio reticentq; breui : mecum ipse voluto
Altius & quanto iam sit ditio orba Parente,
Et qua laude DVCIS tot dona insignia tollam,

*Iamq̃ ego Iusticia decus, & Prudentia facta,
Et cultum Pacis studium certo ore referrem:
Maxima ni Dryadum sic interfecta fuisset:
Nam quid in hoc spacio tanto te Principe dignum
Condere posse putas? ne quid inueniliter aude.
Dicenda est seges amplare, breue tempus, & obstat
Hic dolor, hic parcis natura coercita metis.
Si Musa aqua foret, septena volumina carta
Ante atramento versuq̃, impleta rigerent,
Quam satis egregias ornare carmine dotes.
Quod si tantus amor Patrem decorare supremo
Munere, PLISSINAR cape non ignobile textum:
Ac include metris, noua forsā & addet ELISTER.
Nec tamen imperfectus honor, mutilumue putandum
Carmen erit solam pietatem versibus ornans.
Christiadum Roma cum laudat Apostolus agmen,
Non illi diuum genus, imperioq̃, frementes
Ostentat Proauos, assuetaq̃, castra triumphis.
Non diues Tullus, non pauperis inclita virtus
Fabricij laudata hosti laudatur amico.
Scipio nil casta mentis, fideiq̃, tenacis
Regulus, aut iuuat constantia firma Catonis.
Quid? cunctatoris Fabij prudentia, & aurum
A Curij spretum iactatur nobile rapis?
Nil horum: saltem, longè lateq̃, per orbem
Romanam volitare fidem, cunctisq̃, probari,
Fulgor Euangelij talem quod compleat urbem.
Quem verè sancta pietate excellere dicis,
Hunc simul & reliquis virtutum laudibus ornas.
Dixit, & extemplo flauis se immiscuit undis.*

*Interea cælum aspiciens Philyræus ELISTER,
Tales horribili rumpebat murmure questus:*

*Sic heu, sic Pater ille DEŭm, sic maximus ille
Rex Regum fuit minitantes dira Leonem,
Hoc irarum omnes effundere tempore flammæ :
Vt princeps flumiorum, AVGVSTI funera cernens,
Februa subiectis indiceret amnibus Albis.
Spargite nunc mæstos Philyræia flumina questus,
Et simul undantes in prata reuoluite fluctus.*

*Scilicet hos propter casus, cum spicæ staret
Mæsis agris æstate noua, rupto obice lætè
Corripuere vnde sata læta, boumq; labores.
Hos obitus, hæc ecce vices in stirpe futuras
Saxonica vastis strepuere tumoribus amnes.
Vix maculosa quater Luna pleno orbita vultu
Fulsit, eam aduersa compleuit lampade Titan :
Ter tamen hoc spacio socialia gaudia lætæ
Saxonia generosa domus, bis funera vidit,
Vidit, & humanis didicit diffidere rebus.
Sic quoq; FRIDRICI prius Electoris, aperta
Sub quo Religio, cum pulcra effloruit arte,
Astra tumescentes sonuerunt funera rini.
Spargite nunc mæstos Philyræia flumina questus.*

*En DEVS ipse polo statuebat triste sereno
Omen, & obscuro signabat crine Cometæ
Ante locum Phæbo, quem curru præpetæ tangens
Tale repentiniis firmaret cladibus omen.
Fax hæc se tollens in aquoso Pisce, senecrum
Per Cæsum tendebat iter, tum vindice tristem
Falce Senem labris Austri linquebat, ad Arcton
Parrhasiam nitidis Phryxæi à cornibus agni
Transuersum carpebat iter, sub Pleiade donec
Euaneſcebat, terrasq; infecta tenebat.
Hinc autumnus orta post plaustra cadentia Solis*

Pleiade

*Plejade luctus erat, decrit nec Pleiade fluctus
Mærorum surgente nouo cum lumine veris.
Spargite nunc mæstos Philyræia flumina questus.*

*Sol quoq; mundi oculus, lucisq; & temporis auctor,
Cum deirita recens, Danicog; tepentia ab icetu,
A morte exacui tela imprudente videret,
Et generosa anima rursus cita damna parari:
Nescio quo præter solitum sua lumina nimbo
Inuoluit, velut aterna velit omnia nocte
Condere, & hunc mortis nequeat spectare furorem.
Spargite nunc mæstos Philyræia flumina questus.*

*Parca proterua quid aggredieris? quo rite vocari
Parca queas, huic parce anima, Ducis illa Patriq;
Est Patria & fulcri Imperij, nunc parcere tempus.
Nil Electoralis honos, nil splendor auitus
Profuerit nil dextra potens, spectataq; virtus?
O Pietas ser opem, cultoremq; eripe morti.
Sufficiant extincta pia præcordia nuper
Coniugis, excuset nuper data dextra fidesq;
Ascania Nympha, qua fata minantia cernens,
Quas non sancta preces fundit? stant lumina fletu.
Respice tot planctus, tot vota precantia Nati,
Parca precor miserere, potes producere ceptum
Longius: At Clotho nec dicta nec iceta moratur
Pacta, stat ex Diuum iussus abrumpere torta
Fila diu, pœnisq; Ducem prohibere futuris.*

*Tunc trepidasse arcem, medicq; potentibus arte
Defecisse viris usum, sylvasq; rudentum
Obstupuisse ferunt immani sauce ferarum,
Concussæ cautes, perq; alia silentia noctis
Sic ululatu Albim pulsasse boantia saxa:
Occidit heu Dux, occidit heu decus, heu mihi quantum*

MTISIA praesidium, et quantum GERMANIA perdis,
Spargite nunc mæstos Philyræia flumina questus.

Sed quis fixa valet fatorum infringere iura?
Nunc quia surreptus Pater est, cum flumine largo
Labra rigauerimus, verbis factisq; dolorem
Testati, quo porro animos solabimur ore?

Traxisti celebrem longo iam tempore vitam,
Inclite Dux, nomenq; Electorale tulisti.
Vidisti mala mixta bonis, Mauortia Fratris
Factaq; virtutemq; necisq; ignobile vulnus.
Ter quoq; Casareos obitus, his fata Parentum,
Et Rutam sancti Imperij mandante Senatu,
Iussus es aduersis circumuallare manipulis,
Vidisti tot doctorum cecidisse virorum
Lumina, diuini composta MELANCHTHONIS ossa,
Et CAMERARIACAM, ne cetera persequar, urnam.
Imprimis turbata graui delubra tumultu
Pectus commouère tuum: sed idem illa vicissim
Demulsère, tuis cum curis nempe videres
Sincera rursus fidei ratione potiri.

Quid quod CHRISTIANO Sophiam de sanguine iungi
Brandeburgensi vidisti letus, & inde
Vultus ante tuos numerosam ludere prolem,
Spem generis, cana solamen dulce senectæ.
Quid memorem Natas? aquæ te sospite leges,
Quæ talami subièrè Procis illustribus auctæ.
Et ni fata Deum, ni mors truculenta tulisset
Spectata fidei sociam, non debile corpus
Prisca coëgisset renouare incendia flamma.

Quis per tot tantosq; volutans pectora casus,
Inuideat, Dux Magne, tibi, te pace potiri
Iam tandem, & cælo misceri Regibus altis?

Nunc

Nunc tua terrenis defuncta laboribus aura
Astra adiit, ninea cui Coniunx obuia veste
ANNA faces prisca instauravit amoris, & una
Fortunatorum penetralibus intulit altis
Heroum : salue aeternum nitidi incola cæli,
AEternumq; vale mundum Dux clare per omnem.
Spargite nunc mæstos Philyræia flumina questus.

Quod terris superest, exangue gementia corpus
Plaustra metallifera Friberga ad mœnia portant.
It PIETAS Ducis ante pedes, planctu athera sedans,
Imbre solum, pectus pugnis, atq; unguibus ora.
Ad latus incedit lacrimans ASTRAEA, poloq;
Fert oculos, terris, quasi nunc paret illa, relictis,
Rursus flammantis remeare sub atria cæli.
Oppositum porro PRUDENTIA cana feretrum
Vendicat, & casus peragens secum ante futuros.
Hoc magis atq; magis querula replet omnia voce.
Hinc subit EUPHROSINE, cui Palladis hæctenus arbor,
Palmaq; obumbrarat viridanti lumina ramo :
Nunc neg, nidori frondis, frontisue nitore
Parcere scit, palmisq; comas euellit utroq;
Et pro ramo olea feralis ligna cupressus
Substituit, subitura suo custode sepulchrum.

Has circa Septemq; virum, Procerumq; Ducumq;
Et Comitum, atq; equitum graue circumfunditur agmen,
Exin nobiliumq;, ignobiliumq; virorum
Insequitur nimbus, memoret quis singula versu ?
Heroinarumue choros, longasq; querelas,
Lugubresue habitus? velut atris aëra pannis
Prima acies fuscæ, sic albis aëra pallis
Famineæ facies, ceu puro lumine, lustrant.
Spargite nunc mæstos Philyræia flumina questus.

Iamq; ministerium ferme exequiale peractum est,
 Imponunt tumulo tali cum carmine marmor:
 AVGVSTVS Patriæ Pater, & nitidissima stirpis
 Gloria, MAVRICII germanus, filius acer
 Mechelburgiaca Catharina & Saxonis HENRICI,
 Indelibata fidum Pietatis asylum,
 Ensisfer & fulcrum Imperij, sanctæq; Sacerdos
 Iustitia, pacis custos, atq; umbra Scholarum:
 Tot regnis oraculi instar, quorum optima quaq;
 Eius amicitiam studio flagrante petebant:
 AERE potens, armisq; fremens, murisq; superbis
 Magnanimi populi, trux hosti terror & horror:
 Ille Heros, nulli felici sorte secundus,
 Conditur hîc, vita bis sex nunc lustra peregit,
 Tres fuit Elector ter denosq; insuper annos.
 IOSIAE sacris è Regibus, eq; cateruis
 Casareis par AVGVSTO, atq; è gente proquina
 FRIDRICO, sub quo verbum caeleste refulsit.

Huic prior ANNA fuit regalis originis uxor,
 Qua novies Natos peperit, bis terq; Puellas
 Indolis egregia: De Natis unicus ille
 CHRISTIANVS superest, quem sceptris fata sacrarunt.
 Altera forma, altusq; nitens virtutibus HAGNES
 Nyxer ab Ascanio ducta est vix stemmate Nympha.
 Nulle & sexcentos post nati secula CHRISTI,
 (Deme tamen quinq; atq; decem) Sol egerat annos,
 Cum Dresda placidè moritur morbi impete Princeps,
 Et desiderium post se commune relinquit.

Heu pietas, heu nil tot præstantissima dona
 Profuerint: Vita aura fugit, moxq; atra subit mors.
 Fer violas huc veris opes, fer candida spargam
 Lilia mixta rosis immortalisq; Amarantho.

*Dum Pietas terras, Astra aq̃, virgo tenebit,
Et Pax, & pacis florens Musa aurea regno:
AVGVSTI tot dona vehent ad sidera vates.*

Spargite nunc mæstos Philyræia flumina questus.

Heu quid nunc concussus agam? quam flebile fatum

Astra parant, aër, unda, & lux qualibet effert

Argumenta nouis homines terrentia monstis.

Fatale omen habet nomen plerumq̃ diei,

Quo preciosa anima corpus mortale relinquunt,

Quin obitus ipsi pœna & sunt ominis instar.

LVTHERO moriente die Constantis Oliua,

Pax constans liquidas mox omnis abibat in auras.

AVGVSTO Duce pacifico sub vespere sero

EUPHROSYNIS subeunte necē, quid fata mouebunt?

Scilicet hac pacis, circumspectaq̃, Sacerdos

Latitæ est, illa quid deficiente sequetur?

Morbi, bella, fames, & lamentabile tempus.

Spargite nunc mæstos Philyræia flumina questus.

Non mundi fortunam aliam promittere nobis

Natura valet ordo tenax, qui vilibus ortum

Principijs tollit: mox pleno ubi flore refulsit

Rursus idem tacito tentat conuellere nixu.

Sic quoq̃, vernantis nascentia corpora mundi

Enituère prius: fatis nunc usa sinistris

In peius reuoluta cadunt, retroq̃, feruntur.

Nec minus Imperij Romani ferrea quondam

Maiestas inuicta stetit, venit hora supremis

Nixa pedum ut digitis limo crepitante fatiscat.

Spargite nunc mæstos Philyræia flumina questus.

Consultasse simul, mundumne excindere flammis,
Aut alijs mallent terras immittere panis.
Vivite Concilij memores istius, & altis
Figite, Mortales, animis: sex namq. priora
Orbis ab exorsu non fortunata fuisse,
Historia veteris monumenta diserta loquuntur.
Spargite nunc mæstos Phityræia flumina questus.

Mitto crinitas (quia facta est mentio) flammæ,
O miseris septem modo busta viralia terris,
Si foret id fixum fati, nec plura notarent,
Spargite nunc mæstos Phyliræia flumina questus

Nec fluvios repetam, quos ne quis dicere falsos,
Audeas effuso transgressos vortice ripas:
Post Noribergensis Pegnesi vasta fluente
Marchio bis cincta docuit Mauortius urbe.
Quin etiam Galli Insubres populantis, atroces
Aggeribus ruptis monuere instare tumultus,
Et cades turmis, & Gallo vincla tulere.
Idq. utinam memori tenuissent mente repostum
Agricola, non tot Salisburgensibus oris,
Littoribusq. Istri, Turingiq. ubere gleba
Semisepulta virum iactaret corpora vomer.
Plisna decus Philyræ, & nostris carissime Nymphis,
Nunc astus memor elapsi, quo pronus in amplas
Migrabat Neptunus agros, Cereremq. inebat
Humida regna pati, & calmos considerare in undas:
Quam metuo ne forte tuo quoq. gurgite posthac
Armæq. castrorumq. tubas, & caesa volutes
Corpora, desuetæq. redundant sanguine ripæ.
Spargite nunc mæstos Phyliræia flumina questus.

Vt ferrugineus mirando robore magnes
Ferrum grande trahit: Sic labes improba pænas.

Ergo

Ergo velut crescunt hodie longo ordine passim
Luxuriosa Venus, sænusq; & fastus & astus :
Sic rabiem exacuunt Superum, sic agmine magno
Et cumulant diras, maturantq; undiq; penas.
Spargite nunc mæstos Philyræia flumina questus.

Dum loquor, ipsa fidem facit experientia dictis,
Agmen equum, turmamq; virum, fractumq; tubarum
Audimus fremitum, Mars arma & suscitât iras,
Hic trux Hispanus, mouet illic Gallia bellum,
Parte alia locat insidias, aut Prasul in arce
Fulminat Ansonia, iamq; ense recludere collum
Christiadum, iam iamq; labris haurire videtur
Spumantem pateram, & pleno se pascere tabo :
Vsq; Lutherano sitiunt ibi sanguine fauces.
Quis scit an & paribus telis concurrere tela
Fata vetent ? quis scit tanto num cardine rerum
Lunatis cesset nobis insurgere signis
Turca ferox, nulli parcens hominumq; Deumq; ?
Spargite nunc mæstos Philyræia flumina questus.

Teutonia hunc dominum fore, post cunabula CHRI-
Mille & completis sexcentis insuper annis, STI
Ipsæ natus cecinit longè ante Sacerdos.
Nosq; ea contigimus fatali tempora cursu,
Quæ sunt terrificis olim signata querelis
Lutheriq; Patris, Præceptorisq; Philippi,
Immo ubi prisca simul conspirant omina vatum,
Spargite nunc mæstos Philyræia flumina questus.

Stella Medusæ capitis, quæ noxia regnis
Fata affers, dubiasq; vices : iam desuper urbi
Romæ, & Romanis incumbe, præcipue (sunt)

*Sed quid ego hoc multis ? fateor ceruicibus instans
Omina dira modis animos turbantia miris :
Quid tamen inceptem ? me precipitabo sub amnem ?
At non caruleas refugit Rex fluminis undas.
Contundam saxo caput hoc ? capitalibus illud
Est interdictum cruciatibus. Ergo recidam
Ense caput. Quid ? Si mox fata maligna referrent
Consilium in melius, remeare liceret ad auras ?
Haud spes est vite iugulo semel ulla resecto.
Ibo & fletu undas, fremitu cælum omne ciebo :
Verum nec fremitus, nec fletus fata morantur.
Quare aut me fulmen premet ? aut mihi terra dehiscet ?
Dij melius, nos haud tales sanctissima CHRISTO
Promisit Pietas, duo dum modo dona supersunt,
Votaq;, iusticiaq;, potens, Pietateq;, Princeps,
Non moriar, sed prisca lubens mihi regna tenebo.
Sistite nunc fletus, animosq;, resumite latos
Flumina, postremi nunc lux nunc aurea secti
CHRISTIANVS (numeris iam nunc assuesce vocari,
Electo CHRISTIANE, precor) ditione potitur.
Exultate Enses, arces, vrbesq;, paterna,
Vos capit haud veterum Princeps indignus auorum.
Ite Sacerdotes pro nostri thura salute
Ferte Ducis, gaudete Schola, gaudete Lycea,
O quo vos Heros, quo completetur amore.
Exilitote domus, fora, flumina plaudite, & omnis
Incola, & Arcæus sua gaudia personet Albis.
Aspice ut incedit vultu CHRISTIANVS amano
Fræna manu, gladiosq;, ferens, rutæq;, coronam :
Aspice non veterum tam agnoscimus ora Parentum,
Quam preciosa simul virtutis dona Paterna.
Aspice ut ingenuam commendet gratia frontem,*

Dicta

Dicta fides, mores gravitas, facta acris cultus
Iustitia, & pietatis honor, clementia mentem.
Indolis Heroe namq; illi in origine prima
Vis impressa fuit: cui lux Pietatis auita
Ornamentum ingens cura utriusq; Parentis
Addidit, & reliquis etiam virtutibus auxit.
Nec mora, ut ancipites pensare examine causas
Disceret, atq; olim populos sine fraude tueri:
Ipse, virum docto stipatus flore, theatro,
Ex quo suppositas decreta feruntur in urbes,
Assedit, magnumq; Patris vice munus obiit.
O quoties prudens per se, prudentior inde
Evasis Princeps: plus mansuetudine vidit
Regna ministrari, rigidis quam iuris habenis.
Etsi igitur pleno sors illatibilis estu
Imminet: illa Ducis Pictas, prudentia, robur,
Iustitia atq; fides, mentem formidine solvit,
Et triste exitium meditantia fata repellit.
O saltem hunc paribus saltem ne crimina damnis
Immergant populi: sceleris crescente furore
Utrices furias simul accelerare necesse est;
Qua saepe insontem reproba cum gente fatigant.
Ergo si fidas unquam sors aspera vobis
Extorsit voces, nunc nunc insurgite votis
Saxonica gentes, saltem mihi credite, saltem
Supplicibus votis fatorum flebitur ordo.

Maxime Christiadam Reſtor, quo praſide nunquam
Res ego Saxonia victas, aut templa videbo:
Cernis ut insultans nostris regionibus hostis
Terecentum tantis eximias iamq; immanes

*Excute membra, tuos, Pater optime, respice natos,
Cumq; omni macula pœnas auerte futuras.*

*CHRISTE, ministerio verbi qui colligis agmen
Christi adum terris, nunc hunc tam mente fideq;
Deuotum, Rex magne, tibi quam corpore, & ipso
Nomine, CHRISTIANVM folio praponis anito:
Sis letum hoc, felixq; precor, sis candidus illi
Religionis honor, sit docta scientia cura.*

*Hoc Duce iura forum, pax oppida & incolat ades,
Te tēq; distendat pleno bona copia cornu.*

*Nec tu nec grauidum septem plice munere FLAMEN,
Vsquam absis: Tibi se Dux consecrat inclitus uni,
Imperioq; tuo & ductu parere paratus,*

*Quod votis isidem populi communibus optant:
Sis quoq; Dux posthac Pietas, latus undiq; stipet
Virtutum chorus, & fortuna serena secundet
Singula cepta, dolus visq; euanescat in auras.*

*Nullus adulator, nec sœua calumnia mentem
Egregiam frangat, nec largius hausta meri uis
Perturbet, sis consilij fax prauia semper,*

Da centum felix cum Coniuge transigat annos.

*Vos etiam Angelici Diuūmq; hominumq; ministri,
Fas est Saxonicos, ceu vallo, cingere fines,*

*CHRISTIANVMq; Ducem, Duce Christianog; profectos
Incolumes seros pariter defendere in annos.*

*Vix ea dicta dedit, cum puro sidera cœlo
Processere, bonis firmaruntq; omnia signis.*

*Applausere amnes, vicinag; prata, seraxq;
Hac tilia assonnit: Nostri DEVS annue votis,
Si Patris ingreditur Natus vestigia, sat sit.*

*At DAFNIS, claria DAFNIS Dux impiger arcis,
Vt Nympha captum flammis unius Iholam*


Vidit

Vidit propter aquas residere, & cuncta notare ;
Haud mora, continuo Cedris incidere iussit.

Hic tamen inserui pro me pia vota, meosq. :
Quod te per Natum, cuius mea crimina propter
Colle in oliuifero rorârunt sanguine flores,
Oro DEVS, fac Mysenice ope Flaminis oris
Principe CHRISTIANO, multos Pater optimus annos
Intemerata sonet constanti dogmata voce,
Et tua priuatis assistat gratia tectis.
Me quoq. da tali sub tegmine Principis artes
Illustris Sophia, & culta dona aurea lingua
Discere, & ad laudesq. tuas, animæq. salutem,
Ac incrementum in nostris regionibus uti.
Te sine laus artis fraus est, te præside gazas
Nobilitate sua longè supereminet orbis.

Iam mista pauido vetat hora angustia luctu
Verba redundantis rescare superflua Musa :
Vix hac hiberni, vix hac ad fluminis amnes
Accepta, hiberni conscripsi ad luminis ignes.
Sit pietas hac grata tuis modo manibus, Heros,
Quo Duce ad Albiacas libani candidus undas
Nectar & Ambrosium, fido præbente DRESERO
Nec minus hic illum miror fulcimine nixus
Præsidioq. Viri, qui ceu fert Diuite sese
Nomine, sic meritis illud locupletibus implet.

Hac igitur cecini : serorum turba nepotum
Audiat, & memori decoret facta inclita laude.



M. Iohannes Hantschmannus.



Lipsiæ,
IMPRIMEBAT IOHANNES
STEINMAN,

ANNO
M. D. LXXXVI.

